

鳳角書



群名称:七政四余交流群  
群 号:743606257

風角序

角隅也候四方隅之風以占吉凶

昔人論風角書共若干卷余刪其重複者爲八卷

錄而藏之疑者或以天地噫氣

董子之言矣天地之間若虛而

澹之中而以治亂之氣相殺饌也則風也者殺

饌之至神者也有自天者焉自天者被乎人有

自人者焉自人者見乎天今夫風之爲水爲旱

爲疫爲豐年爲和平千里同軌風所不及則否

寒風晨冽百里之邑噫者比屋閉關自溫者則

否豈非自天者被乎人乎乃若噓溫吸寒異於  
咫尺一夫疾趨風及尋丈數寸之簞踰尺之鞴  
驅暑然火不借天工大軍所聚氛埃四溢則賢  
人禮讓風且穆穆爾介冑格鬪風且蓬蓬爾皆  
不足異所感則然也人事之見乎天猶之天之  
被乎人而已則謂不涉人事者非也謂人之精  
氣不足感天使風至者亦非也司馬太史云冬  
至日產氣始萌臘明日人眾卒歲一會飲食發  
陽氣產氣始萌者天矣且會飲食發陽氣者非

人乎王充求勝一切而不知其絕人於天之甚者也今夫人內滿者呵逆風者噎襲寒者噉咳力倦者欠伸謂人不足以感天猶謂呵噎噉咳欠伸之盡出乎人也說詩者不云乎風者風也上以風化下下以風刺上風係於天人之際亦若此於是書神而明之以審量天地懸悟人事卽微忽察識何難焉諸如雨露之濡霜雪之凝雷霆之奮擊日月之暈抱星宿之躔次雲氛氣象之輝映德形參錯降流蒸發王者以謹防豫

治性情候民物未嘗或遺亦曰自天者吾以調  
之自人者吾以備之爾何獨疑於風占也然則  
子之遺彼也何居貴其色者難其辨也貴其度  
者鮮其學也貴其謹伺者憚其勤也三者之患  
於風角知免矣吾姑先其易者若夫王充之獨  
歸之天以天占人揚子雲所謂不善占天者也  
崇禎十二年己卯秋八月濟陽張爾岐撰

風角書卷一

濟陽張爾岐蒿菴著

開州李若琳洪貧甫校訂  
安康張鸞鵬補山氏重刊

風角占總例

風候

大風之候若眾鳥噪空翻飛羣魚出水跳躍星  
搖動日月昏暈雲片片相逐慘白慘黃聚散不  
常雲繞日雲腳黃雲行急日光搖太白晨見參  
宿動燈火燄作聲皆是

又有風起之  
日更當詳之

候風法

凡候風必於暢達高平之地立五丈竿以雞羽  
八兩爲葆懸竿上候風吹羽葆平直則占亦可  
於竿首作木盤內畫八卦十干十二支置三足  
木鳥於盤上兩足連上而外立一足安下而圓  
轉風來則鳥轉首向之鳥口銜花花旋則占羽  
用雞取其屬巽而能知按知下疑脫時字羽八兩以象  
八風竿五丈以象五音鳥者日精巢處知風鳥  
爲之首古書云用三丈五尺竿羽五兩擊其端

然則長短輕重惟取適宜不必過泥但須出眾中不被隱蔽有風則動直而不激爲善羽必須八兩以下五兩以上重則難舉輕則易平也常占用烏軍行權用羽作葆之法取雞羽中破之取其多毛處以細繩緊縛內中夾木長三四尺許屬竿上其獨鹿扶搖四轉五復之風各以形狀占之

### 風名狀

爾雅曰風而雨土曰霾陰而風曰愷日出而



曰暴迴風爲飄焚輪謂之殯扶搖謂之焱  
李淳風曰占風之家多云發屋折木揚沙走石  
等語若每占中俱著此語其文至繁今輒以一  
家例之

古曰發屋折木揚沙走石今謂之怒風多爲  
不吉 一日之內三移轉方古云四轉五復  
今謂之亂風者狂亂不定之象 無雲晴爽  
忽起大風不經刻而止絕復忽起古云暴風  
卒起乍有乍無今謂之暴風主有卒暴事

鳴條擺樹蕭蕭有聲今謂之飄風善惡依經  
旨 迅風觸塵蓬勃今謂之勃風 迴旋羊  
角古云扶搖羊角今謂之回風回風者旋風  
也有自上而下者有自下而上者或平條長  
直或摩地而起總謂之回風亦有專占 古  
云清涼溫和塵埃不起今謂之和風 古云  
暗冥昏濁寒尅者今總謂之霾噎風

凡風和暢清悅溫涼適時塵埃不起人情恬澹  
是謂祥風 天色晦暝雲氣昏濁風聲寒慘

埃塏蓬勃是謂災風 風勢紛錯交亂乍起

乍止深藏難測其聲聒耳是謂小人魅惑按

惑疑是鬼蜮或作鬼或風 風勢暴起南北不定離合

氛埃是謂上下不甯風 風勢冥冥白日陰

慘黃霧回合是謂政化未明風 風勢懾懾

南北離亂高下蓬勃是謂大兵將至風 風

勢凜冽人懷戰慄是謂形罰慘刻風 風聲

啾唧慘切令人悲惜是謂大喪風 風聲歛

歛如火奔馳乍起乍息爲旱火風 連風冥

晦四日五日人皆悲傷爲大水殺人風

凡吉祥之風日色清明風勢和緩從歲月日時  
德上來或乘王相而求去地稍高不揚塵沙  
人心喜悅是謂祥風兇災之風日色白濁天  
氣昏寒風聲叫怒飛沙捲塵乘形殺而至當  
詳八風五音六情占之 諸稱寒尅昏濁今  
謂之災風諸稱清明溫和今謂之和風

以上  
治風

先生  
舊占

疾風勃起拔木發屋曰匪風君德昏蔽兵火

興災 暴風怒號雲氣昏暈曰惡風國政昏  
亂急兵猝起 風鼓塵翳連月不止曰邪風  
國有大憂有兵火災 急風陰晦連日不散  
曰寵風女謁扇禍人怨兵起

旋風損物歟舉上冲曰逆風在朝防失土宇  
在營防敵兵冲襲 旋風攬土去而又來曰  
冤風下有冤枉伏尸告變 風聲哀鳴悲切  
連日曰哭風火災傷人兵受其敗 迅風作  
陣緩急不均曰敗風敵兵大敗我受奇功

風吹雨血地水赤流曰叛風奸邪逆謀兵起  
人災 風熱生蟲食苗階衣曰殘風淫昏亂  
政兵起大饑 風疾吹而木不動五穀茂而  
不實曰流風臣專予奪民受其殃 風氣結  
聚昏黑籠蔽曰黑風君失其政夷狄侵擾  
風氣結陣紅赤橫吹曰紅風賢士災憂奸邪  
兵起 風氣急吹中有火光曰神風寇賊兵  
起殺害忠良 風氣急吹行人無迹曰鬼風  
兵有異謀將憂凶敗 暴風急吹尖削刺人

曰賊風賊兵聚勢暗行沖襲 風寒逼人如水澆潑曰水風政濫兵起上下同災 惡風逆吹發屋損物曰不順風臣易上政民流兵起 木不動搖旱風傷禾曰不擇風私利蔽公民災國亂 旋風入營吹倒兵仗曰昭報風急防敵沖襲火攻 暴風卒起昏塵蔽天曰冥報風急防兵沖突 雲霧隨風亂掩入營曰引兵風宜簡驍勇備其入處 暴風入營捲軍帳曰惡信風兵士謀叛急宜犒賞

風溫熱曰禍風賦歛無度兵怨盜興 風溫  
不常蝗蟲暴生曰惑風君淫政慢國有變亂  
以上武備志所載多牽合複雜之談務求其  
備不及擇也

### 占驗大法

凡候風須明知八卦審定干支或上或下或高  
或卑俱無乖越然後可驗若失之毫釐差之  
千里不可不慎今先定六十四卦按六十四卦疑當作  
八卦十干十二支辰位總二十四方遞相衝破



卽知風發所止然後占之

凡風從戌來須抵辰自辛止必直乙二十四方  
先定其衝則來處明白辰卦旣明自無失誤

黃帝占曰凡風動皆不安之象若在山川海濱

按海濱當作海濱

空穴之間風所出處不可占若在

宮宅城營之內戰陣之所風勢異常揚沙走  
石日光昏濁則必占之

人君理順四時則春無淒風夏無苦雨先王之  
治以天下爲家兆民爲子風起異常用意察

之若紛錯交橫乍起乍止儒墨深藏知者緘默  
凡風暴疾南北無定交錯離合氛埃相注此風  
之應必在人主

李涪風曰風占災異最驗須於四達無隱之地  
占之方不爽

凡鳴條以上風皆詳其五音與歲月日時刑德  
合冲墓殺五音生尅王相休囚以言吉凶仍  
以六情推之萬不失一

凡惡風後當日有大雨三日內有大雨卽解一

曰宮風當日夜雨 徵風三日雨 羽風五  
日雨 商風七日雨 角風九日雨 但依  
曰數得雨卽解 其應四時災氣兼雷雨而  
發者雨後復風者並依例占

凡風從太歲上來吉凶占君 月建爲大臣  
日爲令長 時爲民 又曰宮日占君餘日  
占臣民

凡風起刑而鄰於德不可分別者以風言之鳴  
條索索去地尺餘不動塵埃日光不變者爲

吉當從吉占吹塵漲天日色昏濁蓬蓬勃勃  
乍緊乍慢者爲凶當從凶占

凡占歲美惡兵起止又以日辰占國

風來遠近占

凡風起初遲後疾者其來遠初急後緩者其來  
近動葉十里鳴條百里搖枝二百里葉落三  
百里折小枝四百里折大枝五百里飛沙走  
石千里拔大木根五千里

凡大風非常滿三日三夜者天下盡風也二日

二夜者半天下一日一夜者千里風也

武備志小

異

凡風二日二夜事及三千里外一日一夜事及二千里六時以上事及千里三時以上事及五百里一時以上事及百里

凡大風拔木事及三千里外折大枝事及二千里若風近起城郭卽城郭中有急事卒起宮宅爲左右有變事

凡風自百里以上來者其風時緩時急條長索

索然若蓬勃乍起乍止卒緩卒急勢無常準者並是二百里內非遠來爲災

凡風發一日爲其縣二日他縣三日其郡五日其州六日他州各以日數知災所及一云一日一夜爲邑二日三日爲州四日五日爲國六日七日以上爲天下

京房占風角又有推五音風所發遠近各以其五音之數期風之來處遠近宮風近十里中百里遠千里徵風近七里中七十里遠七百

里羽風近六里中六十里遠六百里商風近  
九里中九十里遠九百里角風近八里中八  
十里遠八百里以五行成數推之變通其數  
觸類而長風所從來二十四處皆明知發止  
時方干支卦音一一明晰方可以言

觀風知賊數

凡占知有賊以風所從來之方爲月期所乘辰  
爲道里以止發時干支爲人數乘王氣十倍相  
氣五倍休廢如數囚死減半假令風從坎來起

夜半止日中坎居子位建子爲十一月子數卜  
其賊當以十一月來在九百里或九十里內起  
子止午子午九數賊數少則九人九十人多或  
九百九千 干支之數 甲己子午九 乙庚  
丑未八 丙辛寅申七 丁壬卯酉六 戊癸  
辰戌五 巳亥是四數

附餘

暴風起聲若破鼓有兵必敗 天氣常風君不

思善怨生亂作



大風暴起令急刑濫 大風拔木火災兵起  
風起日下有雲烏潤吉蒼白爲水爲兵赤黃爲  
旱

月下有雲烏潤凶赤白爲旱爲水爲兵喪  
凡風聲如怒雷觸地而起者其地大兵起  
風雨後大雷皆爲天子有急令

凡晝昏有風聲而無風凶殃外至臣共期君不

出千日

期疑  
作欺


凡天子占千步諸侯去宅五百步庶人去家百

步

凡風鼓塵連日不散如霧其色赤黑黃燥有火  
災

凡大風發屋折木天色赤者兵大起行千里又  
曰蝗蟲大起

凡風入骨寒慘爲雨



風角書卷二

濟陽張爾岐蒿菴著

開州李若琳洪箕甫校訂  
安康張鵬鵬補山氏重刊

五音占法

凡例

凡五方之風以納音爲論若風發屋折木揚沙  
走石三日以上乃占不然雖凶亦無大害兩  
軍相遇以其日納音爲客時與來方爲主時  
方制納音利爲主後舉音制時方宜爲客先

舉若相生爲和睦尋家常居亦以此分內外  
五音有納音五音有十二辰五音有風聲五  
音有方位

五音所主

宮爲君 商爲臣 角爲民 一日徵爲事

令羽爲物

宮數一爲君爲身

徵數三爲宗廟先人爲鬼怪

羽數五爲境界爲妻爲財

商數七爲子爲臣爲僕

角數九爲病爲死爲喪

李先生云洪範五行自北徂南先經後緯順也  
今五音則先緯後經自南徂北逆也情動者  
逆行性定者順入也

支辰五音所主

子爲陽宮土主帝王 丑爲陽徵火主旱宮

寺火災口舌 寅爲陽徵火主旱火災烽燧

卯爲陽羽水主雨霖水霧 辰爲陽商金

主大將軍吏士 巳爲陽角木主疾病憂患

午爲陰宮土主后妃 未爲陰徵火主詔  
誥書檄庶人士工蜚蟲旱 申爲陰徵火主  
郵驛尉候旱蝗疫 酉爲陰羽水主霜雪雷  
電沈陰冰雹 戌爲陰商金主小將兵刃  
亥爲陰角木主死喪哭泣

李先生曰自子至巳皆爲陽律所生故爲陽自  
午至亥皆爲陰律所生故爲陰

納音五音

甲子壬申庚辰甲午壬寅庚戌爲陽商  
乙丑癸酉辛巳乙未癸卯辛亥爲陰商  
丙寅戊子甲辰甲戌丙申戊午爲陽徵  
丁卯己丑乙巳乙亥丁酉己未爲陰徵  
戊辰庚寅壬午壬子戊戌庚申爲陽角  
己巳辛卯癸未癸丑乙亥辛酉爲陰角  
庚午丙戌戊申戊寅庚子丙辰爲陽宮  
辛未丁亥己酉己卯辛丑丁巳爲陰宮  
甲申壬辰丙午甲寅丙子壬戌爲陽羽



乙酉癸巳丁未乙卯丁丑癸亥爲陰羽  
凡言宮徵商羽角皆依此

定納音附法

庚屬辰	辛屬巽	戊屬坎	己屬離	丙
屬艮	丁屬兌	子午屬庚	丑未屬辛	
寅申屬戊	卯酉屬己	辰戌屬丙	己亥	
屬丁				

假如求甲子所屬則子屬庚便從甲數至庚  
得七數七商數也則甲子納音爲商金矣餘

皆傲此

乾主甲子壬午震爲長男故主子午與父同  
甲對於庚故主庚 坎主乙未癸丑巽爲長  
女故主丑未與母同乙對於辛故主辛 坎  
爲中男故主戊申陽於庚申中陽辰 離爲  
中女故主己酉陰於卯酉中陰辰 艮爲少  
男乾主壬對丙故主丙辰戌是末陽辰爲第  
五配 兌爲少女坤主癸對丁故主丁巳亥  
是末陰辰爲第六配

李先生曰今月初生於庚上見震象八日丁上見兌象十五日甲見乾象十六日平旦辛上見巽象二十三日旦丙上見艮象晦日見離象朔日見坎象於戊己中宮此納音所主從月來也

五音風聲占

李先生云凡占風必知風之情知風之聲五音者五行之聲皆黃鐘之管增減以生上下聽聲之法必須耳察大小清濁以度數正之度

數正則聲正矣不可以文載口論姑言其梗概云

官風大則隆隆如洪鐘小如牛鳴窖中作洩酸濁徽氣

徵風大則烈烈如燎火小如鷹喚子作硫黃火藥氣又云如奔馬如縛彘聲

羽風大則澎澎如湧浪小則如蛙鳴潛作水腥魚腥氣又云如麋鹿喚子如水揚波激氣相磋如揚水如擊濕鼓

商風大則鏘鏘如環珮小則如離羣羊作銅  
辛血腥氣又云如扣鐘磬如蜚羽之集如鳴  
咽流沙鳴聲感人

角風大則聲號號如震落如千人語琅琅然  
令人悲哀小則如雉登木作烟焦燒髮氣又  
曰如人叫啾啾如嘯如呼

占風知敵將

風勢殷殷如車如雷如擊鼓聲者爲宮其將寬  
和

風勢如奔馬如炎火者爲徵其將猛烈難與爭鋒

風勢如波流相激者爲羽其將貪暴多奸詐風勢如金石如雜珮如鸞和者爲商其將威猛而好殺

風勢舒徐動林木者爲角其將仁恕不可欺詐五音相動風占一以時日方參驗之

宮日風從子午宮來爲宮動宮主人君出行急風急出有惡慢風慢出有善令以日辰占遠

近

有惡下疑  
遺令字

風從陽宮來山崩地動君出有土工旱一日  
陽宮之日風自宮來君出

風從陰宮來地震裂后出行又爲旱一日陰  
宮之日風自宮來后出

風從子午宮來時加子午爲重宮君欲行大  
臣走風雨不調

風從丑未寅申徵來爲宮動徵有火災有土  
工寶物出有兵時加徵爲重徵有義兵行有

詔令謂之義風

風從卯酉羽來爲宮動羽主有大雨不則大臣出走復爲旱宮君羽臣君怒故臣走宮土羽水土盛水衰則火起故復爲旱時加羽爲重羽卽有雨五穀成

風從辰戌來商來爲宮動商有兵行且有客兵來時加辰戌爲重商有兵殃

風從己亥角來爲宮動角有兵戰人主憂客兵傷有喪從陽角來邊兵戰有大喪宮爲土



角爲木木動土不勝故君凶角主哭泣故爲  
喪時加己亥爲重角君不昌故爲大喪

徵日風從陽宮來土工起大旱火災頻起宮寺  
從陰宮來太子有疾時加徵爲重徵有土工  
火災起

風從丑寅陽徵來有火災君有恐走獸爲人  
害宮寺多焚從壬相來歲大旱又多火災從  
未申陰徵來人君憂走獸爲害火災一曰六  
畜多死時加丑寅未申爲重徵國四門閉有

大事

風從陽羽來四鄰有事實物出陰勝於陽且有雷霆霜雹多火災四夷兵起從陰羽來亦然

風從陽商來有急兵人主出以兵自守期七日若七十日從陰商來邊有急兵戰一曰風從陽商來輔臣强大臣死民有殃以日占國風從陽角來有邊兵從陰角來邊有警火金尅木木子火又尅金故有兵亦爲有喪

羽曰風從陽宮來人持財物聚君有更令邊兵  
起土工興將受命有集會有寒雪雹從陰宮  
來暴寒傷物有水有土工兵集

風從陽徵來國有兵有急令臣有憂關梁塞  
道路不通從陰徵來邊兵疫一曰邊兵憂

風從羽來有白衣聚有大喪大寒雷雹期五  
日若五十日且有大雨雨從南方來國有憂  
人多病雨從北方來賊聚水中且有雷雹陽  
雨曰應陰雨夜應

風從商來有兵圍城不戰邊有急關梁不通  
大雨客兵不利金水相和和故不戰羽爲角  
除害相臣爲君討賊故動必大雨不出戰也  
風從角來邊有兵來圍城城破一曰兵不解  
時加己亥爲重角有圍城有大喪

商日風從陽宮來戒太子忌怨大臣有急兵宮  
土商金母憂其子故爲太子亦爲人主有疾  
從陰宮來一說從北方來庶子有憂有急變  
兵起北方

風從徵來國邑受令兵行將在外兵還不戰  
臣受命令而行徵爲號令商爲兵商受徵剋  
故兵退一曰有小旱時加徵爲重徵有火有  
旱

風從羽來大雨水歲大荒國憂亂有兵起東  
方羽水從金生故有大兵大水之事

風從陽商來有白衣聚眾自立且有大水關  
梁不通大將出忌外兵邑有小寇人君憂國  
門四閉兵在西方從陰商來國有大殃粟貴

邑有兵起風怒期七日若七十日有急令兵  
大起商爲金二金並行故爲有大兵一日風  
從商來大臣死

風從陽角來有猝兵有急令從陰角來有喪  
土工作時加商角米貴人疫

角日風從陽宮來兵從中起君有憂國門四閉  
從陰宮來有大喪貴人多疾病有土工宮爲  
君角主死喪故有大喪

風從徵上來大臣災亦防火蟲生粟貴一曰

吏檢人財有兵喪倉粟寶物出又曰時加角  
徵或從他處起止於角徵皆爲火災風從羽  
上來有大雨上工興邊有兵卿大夫多口舌  
疾病亦爲夷人相奪

風從商來有急兵一曰臣不忠

風從陽角來邊兵起人主憂有賊至戰不勝  
多死亡從陰角來有兵有喪一曰遠喪至時  
加角有喪有邊兵戰盜賊起粟貴民饑野多  
死人角主死喪重角尤甚又曰角日風疾天

子昏大兵起

五音相動風占二以音與方參驗之

宮風急惡土工大興 自宮方來山摧坼崩

自徵方來虎狼爲害 自羽方來大雨陰寒

自商方來大水 自角方來蝗蟲敗穀

徵風發屋有急事來 自徵方來火災 自宮

方來旱災土工興 自羽方來寶物出國

自商方來急兵鬪 自角方來火災人哭泣

羽風怒則粟貴兵發 自羽方來霜雹大雨



自宮方來暴寒傷物 自徵方來臣民有憂  
自商方來兵鬪將憂 自角方來城圍不

解

商風自商方起有鬪兵 自宮方來后憂 自

徵方來君行急令兵凶 自羽方來夷塞關

梁 自角方來國有兵

角風拔木則賊來戰 自角方來急兵入郭

自宮方來土工作 自徵方來火災 自羽

方來人災野荒 自商方來君令急暴兵起

五音之日風占專詳納音舊作五岳者非是

東方寅卯之角國有大寇人多疾病

庚寅辛卯是

寅卯之徵有妖言惑眾鬼神作祟又火災

丁卯是

寅卯之商大兵攻伐賊出燕趙

壬寅癸卯是

寅卯之羽暴霜火災蝗蟲起

甲寅乙卯是

寅卯之宮帝不安其都有遊幸出喜令以財

物賜庶人

戊寅己卯是

南方巳午之徵夷狄侵害遠人邪謀

乙巳戊午是

巳午之羽有江海賊或水中之船害人

癸巳丙午

是

巳午之商大臣用事人民作亂

辛巳甲午是

巳午之角牛羊疫魚死水中小民移動

己巳壬午

是

巳午之宮天子欲警暴亂賞有功逐佞人封

有德

丁巳庚午是

西方申酉之商軍民內移乘舟沒溺

壬申癸酉是

申酉之角貴人災使者至奸兵起一日人民

災

庚申辛酉是

申酉之宮臣爭賄不恤國

戊申己酉是

申酉之徵內臣謀逆

丙申丁酉是

申酉之羽霜雹非時秋水災兵動水賊起民

疾病五穀不成

甲申乙酉是

北方亥子之羽蝗蟲卒起霧傷萬物

癸亥丙子是

亥子之商外兵爲患水中賊起

辛亥甲子是

亥子之角三公憂喪人疾疫

己亥壬子是

亥子之宮土工興兵起

丁亥庚子是

亥子之徵皇后憂太子有暴喪

乙亥戊子是

四季辰戌丑未之宮有土工人流移牛羊疫

丙辰

丙戌辛丑  
辛未是

辰戌丑未之徵山賊流言民怖欲逃

甲辰甲戌己丑

己未  
是

辰戌丑未之羽妖言流播眾庶移徙

壬辰壬戌丁丑

丁未  
是

辰戌丑未之商五穀不熟民多災死

庚辰庚戌乙丑

乙未  
是

辰戌丑未之角夷兵起人作難寶物出

戊辰戌  
戊癸丑

癸未  
是

以上所言止論風勢掀大卽據日辰納音  
爲斷

### 五音風聲占一

大風歎薄如吹火其聲中宮宮屬土聲怒土木  
工興如吹水主兵

風聲清徹如裂帛其聲中商商屬金聲怒征伐

兵起聲平歲疫

大風鳴暗高下不齊其聲中角角屬木聲怒兵  
戈起急而寒大兵

風烘烘然如炎火其聲中徵徵屬火聲怒兵火  
災

風激揚如湍流其聲中羽羽屬水聲怒奸邪暗  
起有水災

五音風聲占二

宮風發屋折木有土工人君內煩不出十日遠

百日欲有所之且有急令貴臣相捕斬天下  
兵起盜賊滿市人飢車馳馬奔流亡不止

徵風發屋折木有火災不出三日若三十日四  
方告急百姓驚恐自亂或有大吏妖言爲患  
羽風發屋折木不出五日若五十日粟大貴人  
以水爲憂有大喪后妃黜珍寶出

商風發屋折木不出七日若七十日有急令兵  
大起粟大貴國四門閉關梁塞一曰兵從中  
起



角風發屋折木不出九日若九十日有急賊鬪  
戰粟大貴民飢相食有大喪疾疫

以上二則皆係風聲占與日辰五音不同  
亦須以日辰來方相參課之乃準

凡大風起止日時方位徵多爲火羽多爲水商  
多爲兵爲粟貴角多爲疾疫宮多爲吉須鳴  
條以上乃占

宮日風從徵羽上來皆爲民不安從角徵來火  
起從角來疾疫從宮羽商來粟貴從羽來水

滌商來又爲火又曰諸宮日風頻起白日沈  
冥霧氣四塞或熱或寒邊境不甯大臣逆命  
又曰宮日大風從乾上來有暴雨湧水若風  
不揚塵氣色和暢日光明盛不寒慘者國有  
喜令艮來山陵崩壞人君出行水湧地裂又  
曰爲凶喪艮爲鬼門死亡之兆異來蝗蟲生  
害五穀以風止之方決其所在

徵日時加徵怒風蓬勃從商上來天色黃黑疾  
作火燒倉庫止于商徵者事疾時加羽勃風

從徵角上來天色昏冥爲火燒市肆勃風從羽上來先寒後熱火殺人

羽日時加宮

一作時如羽

風起羽有疾疫以風止處

爲災發

一作災止

之期如止寅則正月類是也風

從商角上來時加徵者月內米貴不安又曰羽日風疾天子昏大人疾疫多盜賊

商日風從角上來時加商角米貴人疫風起徵商角穀貴且有火災一曰人疫

角日風從徵上起火災亦爲粟貴或加時角徵

或從他處起而止于商徵皆爲有火災又曰  
角日風疾天子昏大兵起

以上須蓬勃叫怒吹沙走石日光昏慘乃占  
目納音風發止占

宮日風鳴條以上發止於宮者皆爲人君出從  
德鄉上來以德事出從刑鄉來以刑事出溫  
和清明以喜事出寒慘昏濁以憂事出宮風  
卒起宮宅皆土工興作若潰亂則爲聚眾

徵日風鳴條以上發止於徵及卒起宮宅之中

皆爲失火口舌爭鬪追召之憂若從徵來時  
加徵又止于宮者宮寺失火

羽日風鳴條以上發止於羽及卒起宮宅之中  
皆爲聚眾若實物出入船渡水水物爲變之  
事若從羽來時加羽又止於羽者皆爲大雨  
水亦爲酒食宴會

商日風鳴條以上發止於商及卒起宮宅中皆  
爲宮宅中有鬪兵傷若日納音尅時則客來  
傷主若時尅納音則主人傷客若從商來時

加商又止于商卽宮宅中必有自傷者一曰  
陽商之日兵起于外陰商之日兵起于內  
角日風鳴條以上發止于角及卒起宮宅中皆  
爲疾病若時加角而從角來又向角去或止  
于角皆爲外喪期九日若九十日時加王爲  
君長相爲臣子及妻囚休死爲下賤以風起  
止之方決其人及所在角雜羽爲水死雜徵  
爲火死雜商兵死雜宮囚死純角病死

五音雜占

凡五音惟宮日占在君以下皆爲大臣令長庶  
官及民仍以日辰言國

宮日亂風啾啾有聲令人悲慘鳴條落葉冷氣  
逼人有大喪大臣殃

宮日風肅肅習習鳴條以上不至揚沙折木風  
氣清涼止于德合日光明潔是謂王風宮曰  
風起于坤鳴條以上不揚沙土天日清明是  
謂相風皆爲天子有德臣忠子孝五穀豐熟  
四夷効順百姓康甯

以上二則單言宮日

凡五音之風從本墓上來或時加墓或止于墓  
皆主大臣有喪疾或黜或爲火起若蓬勃有  
聲吹沙走石大凶有雨卽解歲墓上來人君  
不安歲刑上來后不安月建墓上來宰相大  
臣有病至死日墓上來以日占其方長吏死  
民不安米貴在刑月及本月內時墓上來受  
風之處小兒多死月建刑墓上來受風之處  
米貴人災若帶煞角徵日時及方又加火災



此占須蓬怒晦冥之風若清明溫和雖大  
不作此斷

庚子陽宮之日半夜風從己酉上來止午風調  
不怒不勃天子有喜若立后期九日或二十  
七日

丙戌陽宮之日風從未上來止于戌民憂病以

日占國

此是刑  
例條同

諸微日風從艮上來天氣清涼日色和煖赤黃  
雲滿天天下和平歲豐君安

徵日風災熱氣逼人或起止于徵或帶刑殺五墓皆有火災不出三日

羽日風從坤上起鳴條以上天氣清明黃雲滿天民安歲豐民令大行

角日疾風天下昏兵大起風從亥上大起止未爲入墓大臣將相死近九日遠二十七日以日占地此五音墓例餘傲此

四季受角之日風從未上來三日至九日人疾病若從己亥上來止于未者人死喪

以上皆以刑墓爲占

五音主客勝負例

以日之納音爲客風所從來之方爲主人假令  
甲子日納音屬金風來未申丑寅徵方上來  
爲商動徵徵火尅商金主人勝客若從己亥  
角上來爲商動角角木受制於金客勝餘倂  
此

又曰納音爲客時爲主人假令甲子日納音商  
金時加丑未寅申徵火爲主人勝風又從徵

方來卽是兩火攻一金主人大勝若時加角  
則爲客勝他倣此

又風從日刑來客勝時刑上來主人勝此謂時  
與日相刑也

說未妥

凡言主客之法軍從遠來者爲客居其地者爲  
主又先起者爲客後動者爲主兩軍相持先  
動爲客後動者爲主兩人相捕亦然平居主  
客易辨皆以有氣勝無氣敗爲占

附餘

諸商日時加宮風從角來軍中欲反勿信左右  
諸羽日風從宮羽來乍高乍下乍南乍北四面  
分散去復返者敵詐降欲遁期七日九日

諸商羽日

一云皆角日

皆有大風折木從甲子卯亥

上來日中夜半風益急者期三七日大賊至  
諸徵日風猝起午上止于亥軍中左右必有謀  
反者

六甲窮日占同未詳

五音次序

李淳風曰五音所主以宮爲體象五行之內土  
爲最尊土卽是地地與天敵體故宮于五音  
爲君土者火之子也君國者必立宗廟行號  
令徵又爲號令故次之土以水爲妻故羽又  
次之有妻必有子故商又次之物窮則變歸  
而爲鬼刑土者木也故以角終焉

風鶴驚心二終

風角書卷三

濟陽張爾岐蒿菴著

開州李若琳淇簣甫校訂  
安陸張鵬翔補山氏重刊

六情占法

六情干屬

一曰本情甲乙主之 用本日支辰

二曰合情丙丁主之 用本日支辰所合

三曰刑情戊己主之 用本日支辰所刑

四曰衝情庚辛主之 用本日支辰所衝



五曰鉤情壬癸主之

陽日用本日支後三辰  
陰日用本日支前三辰

六情支屬釋義

北方之情好水也好行貪狼甲子主之水生于  
申盛于子浸淫漸漬觸物而潤故其情好好  
而無厭故云貪狼主貪財嗜利強奪橫取欺  
紿詐騙攻劫盜賊之事

東方之情怒木也怒行陰賊亥卯主之木生于  
亥盛于卯其性屈曲受水而生貫土而出閉  
匿奮茁故其情怒怒而還賊所養故爲陰賊

主陰謀陷害屈曲邪佞叛逆戰鬪暴戾殺傷之事

南方之情惡火也惡行廉貞寅壬主之火生于寅盛于午其情剛烈無所容納故其情惡守正疾邪不受污穢故云廉貞主寅主禮儀嫁娶燕享國儀忠信舉賢選良遷官慶賞之事西方之情喜金也喜行寬大己酉主之金生于巳盛于酉其性剛利利刃加物無不寬大居兌之位兌說也故其情喜喜則容物故云寬

大主福祿賞賜酒食施予貴人君子聚集慶賀恩澤賞賚之事

上方之情樂樂行奸邪辰未主之北與東也陽氣所萌故云上方辰窮水也未窮木也木利在亥水利在申利而無阻故樂水性智窮則奸木性上出窮則旁行故云奸邪主欺紿不信淫佚邪慝蔽善黨惡奸私疾病之事

下方之情哀哀行公正丑戌主之南與西也陰氣所萌故云下方戌窮火也丑窮金也窮無

所歸故哀無私不撓之體至窮不變故云公  
正主復仇諫諍憂恐誅暴訟辨之事

六情日

本情甲子陽商貪狼

乙丑陰商公正

甲申陽羽貪狼

乙酉陰羽寬大

甲辰陽徵奸邪

乙巳陰徵寬大

甲戌陽徵公正

乙亥陰徵陰賊

甲午陽商廉貞

乙未陰商奸邪

甲寅陽羽廉貞

乙卯陰羽陰賊

合情丙寅陽徵陰賊

丁卯陰徵公正

丙子陽羽公正

丁丑陰羽貪狼

丙戌陽宮陰賊

丁亥陰宮廉貞

丙申陽徵寬大

丁酉陰徵奸邪

丙午陽羽奸邪

丁未陰羽廉貞

丙辰陽宮寬大

丁巳陰宮貪狼

刑情戊辰陽角奸邪

己巳陰角貪狼

戊寅陽宮寬大

己卯陰宮貪狼

戊子陽徵陰賊

己丑陰徵公正

戊辰陽角奸邪

己亥陰角陰賊

戊申陽宮廉貞

己酉陰宮寬大

戊午陽徵廉貞

己未陰徵公正

衝情庚午陽宮貪狼

辛未陰宮公正

壬午陽角陰賊

辛巳陰商陰賊

壬辰陽羽公正

辛卯陰角寬大

壬寅陽商陰賊

辛丑陰宮奸邪

壬子陽角寬大

辛亥陰商寬大

壬戌陽羽奸邪

辛酉陰角陰賊

鉤情壬申陽商寬大

癸酉陰商貪狼

庚辰陽商公正

癸未陰角公正

庚寅陽角貪狼

癸巳陰羽貪狼

庚子陽宮廉貞

癸卯陰商廉貞

庚戌陽商奸邪

癸丑陰角奸邪

庚申陽角廉貞

癸亥陰羽廉貞

凡言六情依此時與方止用支辰以本情言之

六情風鳥所起占

申子貪狼之日

時加申子風起鳥鳴其上王相當言羣盜攻劫休廢死囚有竊盜事

時加寅午有善人說攻劫事

時加巳酉有酒食言攻劫事

時加丑戌有盜賊詞訟或文書追盜賊事

時加亥卯王相有盜賊攻劫休死小盜

時加辰未有婦人說盜賊

寅午廉貞之日



時加寅牛風起鳥鳴其上王相當言長吏休  
廢死囚爲僕役諫諍

時加己酉有遠書至

時加申子有酒食爭財物事

時加辰未有陰私婦女口舌

時加丑戌有酒食

時加亥卯有酒食起爭相殺

亥卯陰賊之日

時加亥卯風起鳥鳴其上王相羣賊大戰休

囚廢死有爭鬪殺傷

時加己酉有酒食相傷

時加丑戌吏逐賊相害

時加寅午有婦人鬪傷事

時加辰未育婦女奸事鬪傷

時加申子有兩賊自相攻劫

辰未奸邪之日

時加辰未風起鳥鳴其上王相有長吏來捕  
奸詐休囚廢死有口舌

時加寅午有謙恭人言奸淫事

時加己酉有酒食陰私事

時加丑戌有吏來捕奸私陰謀事

時加申子有陰謀爭鬪盜劫事

時加亥卯有賊兵相害事

己酉寬大之日

時加己酉風起鳥鳴其上王相當言爲長吏

休廢囚死當有酒食

時加寅午有酒食辭讓事

時加丑戌有酒食口舌爭訟事

時加亥卯有酒食相謀害者

時加辰未<sub>有酒食女人口舌</sub>

時加申子有酒食爭財

丑戌公正之日

時加丑戌風起鳥鳴其上王相有長吏政理  
之事休囚吏來慰問

時加己酉有宴饗賜典

時加寅壬有辭讓慶賀

時加辰未有吏來說陰私盜賊事

時加申子有吏來說財賦欺詐事

時加亥卯有吏來說盜賊相殺事

凡六情之日風起鳥鳴于本情方上則課其時

依止占之

太極風起加方占

申子貪狼之日時加貪狼風起則占

從申子來有盜劫人財物禍起北方若寒急  
昏慘則傷人否則小盜又曰不出七日關梁

震驚否則有兵往攻他界

從戌土上來有報仇怨者揚兵相擊若歲月  
在丑未大凶

從辰未上來有惡人持物至

從寅午上來有人持物相賂

從己酉上來有人持禮相候欲求財物

從亥卯上來有人以陰賊事相連引否則出  
外爲獸所傷

亥卯陰賊之日時加陰賊風起則占

從亥卯上來有賊格鬪在所部內傷人又曰  
其日風從本方上來不出七日有陰賊人偷  
營斫寨

從申子上來有賊自相爭殺

從丑戌上來外人謀內

從己酉上來有客行財于人

從寅午上來有岩穴之事爲人所劫

從辰午上來有婦人從東來或東方婦人伺

隙而爲盜者

寅午廉貞之日時加廉貞風起則占

從寅午上來清和條暢有貴人慶賀燕樂若  
帶刑殺或昏冥寒慘則因而生怒又曰其日  
風從本方上來有族人辨冤事一日有長者  
千里來慶賀

從申子上來有人爭財一曰有客來求財物  
從己酉上來有遷官召命貴客酒食宴樂一  
日有人以財物來求好

從丑戌上來貴人有事相問一曰有報仇怨



者

從辰未上來有人上符文召發事否則有奸人設計相給

從亥卯上來有賊欲劫竊不帶刑殺無害

己酉寬大之日時加寬大有風則占

從己酉上來有貴人請召飲酒賜與又曰其日本方上來兵士在外不戰有喜

從辰未上來有妖人爲怪婦人欺夫一曰有乘我不虞以爲欺者

從申子上來有爭財物者一曰有惡人相遺物

從寅午上來有遷官賞賜

從亥卯上來防陰賊詭計

從戌丑上來有貴人召問

辰未奸邪之日時加奸邪有風則占

從辰未上來主人見謀若出遇疾病又曰其  
日從本方上來七日內有賊若陰人誑詐虛  
驚一曰風清和帶德則爲婚姻寒慘帶殺則

爲奸爲賊

從亥卯上來有宿怨者相攻流血

從戌丑上來有人欲報怨

從寅午上來有文書若以奸盜相引

從申子上來有賊謀持物去

從己酉上來有人相請因飲食生病

戌丑公正之日時加公正有風則占

從戌丑上來吏人相爭仇人報怨又曰其日  
風從本方來有忠臣直諫國有喜報仇有功

兩軍相守大將來降不出七日敵兵自敗

從亥卯上來下人凌上

從辰未上來人有欲告言部吏私財物者

從申子上來有亡失盜賊相牽引有吏人爭財相傷

從寅午上來有遷官事

從己酉上來出逢酒食

凡六情之日如本情有風起則視其方依上占之

六情附餘占

貪狼之日時加奸邪陰賊風從奸邪上起或陰賊上起必有盜賊劫殺之事

陰賊之日時加貪狼風從奸邪上起或止貪狼陰賊必有盜賊逆亂殺人之事

廉貞之日時加寬大風從廉貞或寬大上來或止寬大有貴人以酒食來相燕樂

寬大之日時加廉貞或寬太風從廉貞上來有貴客至喜慶事

奸邪之日時加陰賊風從寬大上來有人將酒醴相候謀賊害者

公正之日時加廉貞風從奸邪上來有誠信之士報仇而來訴人

凡陰賊之日飄風從四季辰戌丑未上來時加四季或羣鳥飛從四季上來時加四季皆爲有閉關搜索之事若值休廢囚死卽在近道假令風鳥從其指陰賊方來卽時搜索欲知所捕何事時加丑戌則是仇怨辰未則是盜

賊或殺人賊亥卯王相是大賊鳥占卽至風  
占以時日干休王期之

凡廉貞公正寬大之日風和暖日清明皆吉主  
恩命慶賀

凡貪狼陰賊奸邪之日風寒慘日昏濁皆凶主  
陰謀賊害看王相休囚備之

凡奸邪之日風從貪狼上來賊方自散  
則雜占未詳○以下數

公正日風從陰賊上來止奸邪賊必敗滅

陰賊日時加貪狼風來寒急者敵軍夜來襲人  
急備之

陰賊日風從陽角上來賊欲來攻城期九日或  
四十五日



鳳角書卷三終

風角書卷四

濟陽張爾岐蒿菴著

開州李若琳洪箕甫校訂  
安康張鵬翮補山氏重刊

八風占法

京房八風占

入方暴風起則占或不當其時且暴也

北方坎風名曰廣莫風主冬至後四十五日四  
時暴風起北方主盜賊起天下兵動令人病  
濕帶下不起居坎爲水主盜賊

東北方艮風名曰條風主立春後四十五日四

時暴風起東北方鬼行人道爲旱疫令人病  
洩變容立春之交萬物變改艮爲鬼門

東方震風名曰明庶風主春分後四十五日四  
時暴風起東方人流盜起旱蝗年饑令人病  
變卽四肢不動搖震爲木木精曰歲星主稼  
穡此下疑  
有闕文

東南方巽風名曰清明風主立夏後四十五日  
四時暴風起東南方人多病洩痢乳婦暴死  
巽爲風風者百病之長又爲長女

南方離風名曰景風主夏至後四十五日四時  
暴風起南方有火災來年旱人多病熱死生  
瘡目盲離爲火爲目

西南方坤風名曰涼風主立秋後四十五日四  
時暴風起西南方天下兵動坤爲士爲民爲  
眾上動眾亂也日月失色陽衰故日月失色  
又令人食不入口病腰脊腫

西方兌風名曰闐闐風主秋分後四十五日四  
時暴風起西方主秋旱早霜又曰物不成天

下兵動兌爲金金精太自主兵又人多病瘡  
癰日月蝕

西北方乾風又曰不周風主冬至後四十五日  
四時暴風起西北方有盜賊相攻年饑人流  
亡乾爲金爲寒金主殺伐寒則傷物又曰有  
神不起日月失色地動人多病疽癘惡瘡疫  
死喪

右八方暴風但風起其方卽依上占京房  
曰八方風候及八卦風氣春白夏黑秋赤

冬黃皆爲下逆上兵革動各隨其部日辰  
占之凡八風發屋折木飛沙走石三日不  
雨則占風爲陽雨爲陰陽怒得陰卽解故  
風怒得雨而息亢極受制惡以善成不但  
暴風風逆亦可占之

歲首占風

正月朔旦風南來大旱 西南來小旱 西夾  
有兵 西北來有北兵 胡豆成 北來爲  
中歲 東北來爲上歲 東來大水 東南

來人病歲惡 八方各以其衝對多勝少疾  
勝徐 從旦至食時爲麥 食時至日昃爲  
稷 日昃至晡時爲黍 晡時至下晡爲菽  
下晡至日沒爲麻

風從北來宜客南來宜主吉 西來宜客東  
來宜主 西北來宜客 東南來宜主 西  
南來有謀不成 東北來主客俱不利

以上  
微風

占卽

若風冷熱異常或暴急昏濁又當以八卦

暴風占之

從乾來有憂兵 坎來有大水 艮來人疾  
疫又蝗蟲 震來陽氣干歲大早有喪 巽  
來多風傷五穀 離來歲旱大熱多火災  
坤來有疾疫道上多死人 兌來有爭兵

八節風占

立春正月節其日晴明少雲年收陰則旱蟲傷  
禾豆 風從乾來暴霜殺物穀猝貴 坎來  
冬大寒北兵內侵 艮來禾豆熟 震來多



暴雷氣洩物不成 巽來多風蟲 離來旱

傷物 坤來春旱六月大水愁兵起土工興

兌來早霜兵起疫疾

春分二月中其日東方

一作東南方

有青雲年收晴

明萬物不成 風從乾來年多寒金鐵倍貴

應在四十五日內又曰民饑多災 坎來豆

菽不成民飢寒 艮來夏不熟米貴一倍山

水暴出 震來年收穀成無盜賊 巽來蟲

生四月多暴寒雨 離來五月先水後旱

坤來小水人多瘡痢 兌來春寒八月國有  
憂有兵小麥貴

立夏四月節其日南方有赤雲年收清明則旱  
風從乾來其年凶飢夏霜麥不刈 坎來

地動人疾多雨水魚行人道 艮來山崩地

動人疫 震來雷不時擊物 巽來其年大

收 離來夏旱禾焦 坤來萬物夭傷 兌

來蝗蟲大作

又曰兵起  
人不安

夏至五月中其日南方有赤氣則收清明則旱

風從乾來寒傷萬物 坎來寒暑不時夏

月多寒 艮來山水暴出又曰泉湧山崩

震來八月人多病 巽來九月大風落草木

離來五穀收 坤來六月雨水橫流 兌

來秋多雨霜

立秋七月節其日有白雲及小雨則吉晴明則

物不成成風從乾來甚寒多雨 坎來多瘡

疾冬陰雪寒 艮來秋風不和五穀不收米

貴 震來多秋雨人不和草木再榮 巽來

內兵猝起

離來兵戎不利多旱

坤來五

穀收

兌來兵起將興秋多雨

秋分八月中其日西方有白雲則吉晴明物不

成

風起坤來盜起人多相掠

坎來苦寒

艮來十二月每多陰寒

震來人疾百花

一作再花

不實

巽來十月多風

離來兵動國

南七百里

坤來土工興民憂

兌來五穀

大收

立冬十月節其日晴明小寒人君吉天下喜

風從乾來君令行天下安 坎來冬雪殺走  
獸 艮來地氣洩人多病 震來人不安居  
多寒 巽來冬溫明年大旱民去其鄉 離  
來明年五月大疫 坤來水泛溢魚鹽倍多  
兌來妖言爲幻兵在山澤

冬至十一月中其日有雲雪明年大收晴明物  
不成 風從乾來強國有憂夏多寒 坎來  
年美人安 艮來正月多陰雨 震來雷不  
發大雨併至 巽來百蟲害物 離來冬溫

乳母多死水旱不時米貴人疫 坤來蟲傷  
苗多水人不安 兌來秋多雨兵起人愁

八逆風占

立夏巽卦主風從乾來爲一逆小凶

立春艮卦主風從坤來爲二逆兵起人大愁  
立秋坤卦主風從艮來爲三逆穀不成

立冬乾卦主風從巽來爲四逆人去其鄉

秋分兌卦主風從震來爲五逆帶刀入市  
冬至兌卦主風從離來爲六逆人民潰散

夏至離卦主風從坎來爲七逆臣下爲亂  
春分震卦主風從兌來爲八逆殿上有刺客  
以上八逆風若帶刑殺昏黑寒慘日色白

濁者大凶

三辰八角風占

申子辰日艮辱 震殺 巽反 離吉 坤抵

兌誕 乾忿 坎爭

己酉丑日巽辱 離殺 坤反 兌吉 乾抵

坎誕 艮忿 震爭

亥卯未日乾辱 坎殺 艮反 震吉 巽抵

離誕 坤忿 兌爭

寅午戌日坤辱 兌殺 乾反 坎吉 艮抵

震誕 巽忿 離爭

凡風從辱上來國家有恥辱事 從殺上來有

暴相殺

一日有篡逆叛殺事若行道逢之有相殺之人來遇

從反上來

有反逆不順之事 從吉上來有喜慶事行

道逢之有賢人君子相見酒食宴樂 從抵

上來有非禮抵觸事王相貴人相沖休廢庶



人囚死罪人相連 從誕上來有妄誕之人  
相欺給 從忿上來有非禮忿爭之事 從  
爭上來有奸人來爭財物及格鬪等事宮宅  
之中  
回風亦可  
用上占

八卦王相例附

立春艮王震相巽胎離沒坤死兌囚乾休坎  
廢

春分震王巽相離胎坤沒兌死乾囚坎休艮  
廢

立夏巽王 夏至離王 立秋坤王 秋分  
兌王 立冬乾王 冬至坎王 餘依次第  
推之倣此

八風刑狀加方占

八風不作陣勢氣味不甚掀大五風間或有  
八風時常有

乾風悠悠揚揚不疾不徐 巽風平蕩悠長順  
吹不歇 兌風細細襲人條理不亂 坎風  
尖則險怪撮聚成旋 離風明爽和緩若斷

若續 艮風剛大激烈吹物上沖 震風沖  
大渙散頓而復起 坤風長大包含遍野散  
漫

乾風來乾巽方國政理 離方火焚宮 坤方  
兵眾求糧賞

坎風來乾方民求賑濟 兌方姦宄成風 離

方民災兵起 震方謀立王侯 巽方年收

坎方陰謀干上 艮方兵亂 坤方盜起

艮風來乾方外夷入貢 兌方外國來婚 離

方旱災 巽方百穀不成 坎方水旱相仍

坤艮方旱荒米貴

震風來乾震方嗣君登位 坤艮離方王道興

天下平

巽風來兌方蝗生穀傷 離方火焚內宮 震

方蠻夷猾夏

離風來乾方北兵犯闕 離方火焚宮 震方

年旱火災 坎方妖邪陰謀

坤風來離方大旱 坎方后宮陰謀 艮方內

亂

兌風來離方宮中火 坎方內侍陰謀 坤方

外夷重譯

四時八風占

既順時令  
復占寒煖

春正月條風二月明庶風三月清明風和順時  
寒主水熱傷禾民疫

夏至景風和順時寒兵水災人疫

秋七月涼風八月閭闔風九月不周風涼吉熱  
來年災旱疫寒則兵起人疾

冬至廣莫風寒年收煖水起人災萬物不成

乙巳略例八節風占

立春艮兌巽

春分震坤乾

風去地尺餘排樹枝小有聲不動塵黃白雲  
遍天天氣清明是謂景風應木之氣則節令  
調和忠臣在位萬物成熟年美人安若夾小  
雨則百果不實

立夏巽兌艮

夏至離艮乾

風去地尺餘排樹枝小有聲不動塵天氣和

煖紫氣赤雲在日上下或遍天是謂祥風應  
火之氣則節令調和君明臣賢民安物阜若  
風先慢後急揚沙吹塵黑氣漲天則萬物不  
成人多病

立秋坤乾震

秋分兌巽艮

風去地尺餘微鳴條不動塵蒼白雲滿天是  
謂和風應金之氣則時令調和民物阜成人  
主康壽兵戈不興若走石吹沙先慢後急日  
光沈沒天昏冥來年春人不安

立冬乾震坤

冬至乾坤巽

風去地尺餘颯颯不動塵白黑薄雲遍天氣  
色和平是謂德風應水之氣則陰陽調和萬  
物成熟民安國昌四夷效順若走石揚沙先  
慢後急日色晦冥明年麥損蟲生五穀不成  
八風兵占

子曰風從八方來大吉

丑日風從乾來不利 坎上來說得被太平

艮上來宜退 巽離上來大勝 坤上來自



伏 兌上來主血光不利

寅日風從艮震來大勝 巽上來軍自亂 離

上來次日後軍自亂 坤上來不宜戰 兌

上來次日降賊兵 乾上來急戰大破賊兵

坎上來小戰

卯日風從艮震來不利 離上來戰獲將 坤

兌乾坎來勝

辰日風從乾坎艮上來必勝 兌上來賊降

巳日風從乾上來不宜戰戰失將 坎上來有

亂謀 艮來賊兵千里 震來大戰 巽來  
半勝 離來大勝破國 坤來急備賊兵入  
寨 兌來有戰

午日風從乾上來小勝 坎來收賊兵 艮來  
大亂 震來有大將加官 巽來大勝 離  
來百里有客兵來降 坤來獲糧草 兌來  
萬里遠征

未日風從震上來不宜戰 兌來主血光  
申日風從乾坎上來大勝 艮上來主勝

一云  
二半

有賊震巽來大亂遇回兵卽吉 離來有伏

劫寨一云兵勝坤上來凶 兌上來大軍絕糧

酉日風從乾上來絕糧 艮來主勝 離來六

十里有伏兵 坤上來百口內有兵圍城

兌來主兵客勝

此處疑有脫誤

戌日風從乾巽上來大勝 兌來急備奸人入

寨

亥日風從八方來皆吉

右兵吉未詳主客錄之聊備一說

八風兼五音兵占

凡占以方位爲主風爲客 離方宮風防失土

地 震巽方宮風必獲土地 坤艮方商風

防失輜重 離方商風得敵輜重 坎方角

風防截糧水 乾兌方角風可截敵糧 震

巽方微風防火燒營 坎方微風可燒敵營

乾兌方羽風防敵灌水 坤方羽風可灌

敵水

此以我生  
我尅爲占

宮風來乾兌方可復中土來坎方敵毒共水

商風來坎方可得兵助來震巽方敵截糧道  
角風來離方防敵火攻來坤艮方可分敵  
土 微風來坤艮方防敵火 來乾兌方敵  
奪輜重 羽風來震巽方防敵灌水來離方  
可灌敵水 此以生我  
剋我爲占

右所言主客與他處異故占之無可據

八風十二辰占

亥子日時震巽方風我勝得糧離方風防敵灌  
水 寅卯日時離方風我宜火戰坤方風防

失土地 巳午日時乾艮方風我勝得地乾

兌方風防失輜重 申酉日時坎方風我勝

截水巽震方風防敵截水 辰戌丑未日時

乾兌方風可奪輜重坎方風防敵毒水

此以日時

生尅方位爲占

亥子日時角風敵兵得助徵風可截敵糧 寅

卯日時徵風防敵火攻宮風可分敵上 巳

午日時宮風火攻分土商風可奪輜重 申

酉日時羽風防敵毒水角風可奪敵糧 辰

戊丑未日時商風防奪輜重羽風可截敵水

此以日時生尅風音爲占  
與上則相類故附見之

以上三占古風角書所無獨見武備志中  
然穿鑿錯亂正不少讀者詳之

對敵八卦占風

乾爲天罡風一曰折風位西北風從天罡上來  
利先發主人不勝

坎爲大罡風位正北風從大罡上來利先發主  
不勝客勝

艮爲小罡風位東北風從小罡上來主不勝客  
勝

震爲究風亦曰嬰兒風位正東風從嬰兒上來  
利後發客不勝主勝

巽爲小弱風位東南風從小弱上來利後發客  
不勝主勝

離爲大弱風位正南風從大弱上來敵方至利  
後發客不勝主勝

坤爲諫風一曰陰謀風位西南風從諫上來利



後發客不勝主勝

兌爲衝風位正西利先發主人不勝客勝 京

房占風從震巽離上來主人勝 乾坤坎艮

兌上來客勝

二說微有異同

八風雜占

凡乾坤艮巽上風起颯颯鳴條落葉夾雜小雨

或小有二聲雷者一曰祥風五穀成天下平

凡四季月風從乾坤艮巽上來天子有德令

乾爲天門風起蓬勃乍緊乍慢天色黃黑爲火

爲旱爲疾疫爲米貴又曰王相徵大旱百果  
不成王相角疾疫王相商兵動物貴王相羽  
蟲害人饑王相宮君有德令萬物成

巽爲地戶風起吹沙走石有聲如雷牛吼有大  
水一日以上止西南方人多疾東南方人半  
疾蟲虎傷害人一日止來年有大水

坤爲人門風出去地尺餘不動塵沙風氣清爽  
日光明潔黃赤雲遍天國有大慶大抵坤上  
風吉多凶少有非常之風又當以五音六情

形德言之

艮爲鬼門風吹沙走石有聲如千人呼風氣昏  
黑天色冥晦民多疾病牛馬疫死五穀不成  
應在來年西南爲衝入人多病死鬼出人見  
風不時嘗發坤方其氣暄燠爲旱恆暘  
風不時嘗發艮方其氣淒涼爲水恆陰

風角書卷四終

風角書卷五

濟陽張爾岐蒿菴著

開州李若琳  
安康張鵬翔

干支占法


四時五子占

春甲子風主頒赦 夏丙子風旱災兵荒 秋

庚子風刑濫兵起 冬壬子風水災國憂

四季戊子風歲收君吉頒赦

巫咸干支占



諸甲日大風丙丁必雨不雨則海中兵起 乙

日大風米貴夷狄兵起 丙日大風有猝兵

來圍急一日來圍邊城 丁日大風天傷物

人畜疾疫爲旱 戊己日大風土功興米貴

或遷邑 庚辛日大風蟲生人病急備邊陲

壬癸日大風北夷侵邊

子日大風日光沈沈兵起水中 丑日大風掃

地揚沙粟暴貴 寅日大風赤黃氣四塞火

災 卯日大風塵衝天蝗蟲大起 辰日

大風民入堡集居大將軍出行 巳日大風  
蓬勃大旱 午日大風乍疾乍遲人民流散  
邊防事急 未日大風日無光影土功大興  
申日大風聲如磬穀貴盜起 酉日大風  
蕭蕭濡潤大雨水災 戌日大風塵霧橫天  
揚埃千里北兵四起 亥日大風揚沙折土  
兵賊相攻人民哭泣

不論五音六情但風怒號蓬勃天日昏慘卽  
占仍以久近爲災之大小三日內有雨卽

解

十二支占

凡太歲所在之辰月日時俱會於此風又從此方上來暴急寒慘者皆爲客勝主不勝如太歲在寅正月寅日寅時風自寅來餘倣此二刑相會占

假令丑日時加戌風從未上來大寒尅者大戰流血主客俱傷所以然者丑刑戌風從未上來又刑丑而戌又刑未此三刑俱會也法主

大戰流血○申日時加寅風從巳上來同占  
子日時加卯風從子上來客大勝風從卯上來  
主人大勝

辰午酉亥自刑之日風從其上來客勝若時加  
辰午酉亥風從其上來主人勝○風從日刑  
上來猝暴者賊必夜來攻人

風從刑上來相衝擊者半路有賊突至逆行我  
者伏兵猝起軍中

凡風從三刑上來坐者急起行者急走賊必至



戰必敗宜誓眾固守庶保無虞月刑不出月  
日刑不出日

凡風從刑上來不惟兵戰百事大凶刑上發疾  
刑下發遲○假令子日刑在卯風從子來刑  
卯爲刑下風從卯來刑子爲刑上從刑上來  
利客從下來利主餘同此

凡刑金刑爲兵金日庚申辛酉是也木刑爲喪  
木日甲寅乙卯是也火刑爲火火日丙午丁  
巳是也水刑爲水水日壬子癸亥是也土刑

爲土土日戊辰己丑是也

凡軍刑

按刑當作行或  
是衍一行字

逢歲月日時刑下風來

者必有將死若得王相客死囚廢主人死

凡從歲刑

按歲刑下  
脫上字

來必有大兵人馬死不出

歲天下兵起

從月刑上來郡邑賊起從

日刑上來即日近境兵起一曰馬賊夜至主

人兵敗從時刑上來不出三日鄉兵起

刑德衝墓雜占

凡風頻從歲月德合上來日色明盛天氣清和

謂之祥風其占爲天子親賢遠奸偃兵物阜  
若風聲聒耳不調頻從衝刑上來謂之妖風  
其占爲用小人遠君子水旱不時天下凶  
凡風從刑衝上來不動枝葉者無傷怒聲寒慘  
乃有災如在軍將死

凡年月日時風從殺墓上來白濁寒昏皆爲凶  
兆其日三刑最急坐不及起有賊暴至若行  
軍卽防伏兵平時無兵防人謀害

敵城相近攻之未克風從克上來射我軍經口

不絕止而復起者數日賊有伏兵欲來襲我  
或賊救兵至宜整備待之

凡風自衝來爲殃爲喪爲火兵兵爲大臣死以  
日占何國一曰自刑衝來蝗生粟米大臣災  
凡春甲夏丙秋庚冬壬四季戊爲天子風若順  
時從歲月日時德上來止於德合時方其風  
清和明朗者天子有德天下治平

凡八節之日風從三合六合及天門上來皆爲  
吉

子日風從午來午日風從子來甲日風從寅來  
壬日風從丙來皆爲衝甲乙日風從庚辛申  
酉壬癸日風從辰戌丑未來皆爲刑克餘  
倣此其風暴怒慘濁皆爲大憂在歲民

凡戊己日屬中宮無衝刑寄於乾坤艮巽艮巽

在辰戌丑未之時又止於辰戌丑未之方天

子有德歲美人安

戊分寄於奎壁己分寄於  
角軫天門地會之位也

歲月日時方德刑殺墓例附

干德

甲丙戊庚壬爲陽陽德自處

甲德在甲 丙德在丙 戊德在戊 庚德在

庚壬德在壬

乙丁己辛亥爲陰陰德在陽

乙德在庚 丁德在壬 己德在甲 辛德在

丙 癸德在戊

假令太歲在甲則歲德在甲太歲在乙則歲德  
在庚餘倣此

日時同歲取月月取日日取時及方時取方歲

月亦兼取方

支德

歲月日時在子德在巳 在丑德在午 在寅

德在未 在卯德在甲 在辰德在酉 在

巳德在戌 在午德在亥 在未德在子

在申德在丑 在酉德在寅 在戌德在卯

在亥德在辰

以次序順行  
前五星是也

月干德

寅午戌月德在丙

亥卯未月德在甲

申子辰月德在壬

巳酉丑月德在庚

三合

申子辰合

亥卯未合

寅午戌合

巳酉丑

合

六合

寅卯

子丑

卯戌

辰酉

巳申

午未

干德合

甲己合

乙庚合

丙辛合

丁壬合

戊癸

合



歲月日時煞

寅午戌在丑 巳酉丑在申 申子辰在未

亥卯未在戌

呻吟煞

四孟月在酉 四仲月在巳 四季月在丑又有四煞者劫煞災煞歲煞戊己煞是也

申子辰年月日時 劫煞在巳 災劫在未  
歲劫在未

巳酉丑年月日時 劫煞在寅 災煞在卯

歲煞在辰

寅午戌年月日時 劫煞在亥 災煞在子

歲煞在丑

亥卯未年月日時 劫煞在申 災煞在酉

歲煞在戌

戊己煞者流戊就己坎離成象變動不居所謂

都天煞也甲己之年在辰巳 乙庚之年在

寅卯 丙辛之年在乙亥 丁壬之年在甲

酉 戊癸之年在午未 其法每年但尋月

建天干值戊己者是也

歲月日時刑

子刑卯卯爲刑下子爲刑上 丑刑戌戌爲刑  
下未爲刑上 寅刑巳巳爲刑下申爲刑上  
卯刑子子爲刑下卯爲刑上 辰刑辰  
巳刑申申爲刑下寅爲刑上 午刑午 未  
刑丑丑爲刑下戌爲刑上 申刑寅寅爲刑  
下巳爲刑上 酉刑酉 戌刑未未爲刑下  
丑爲刑上 亥刑亥 凡刑下來者禍淺刑

上來者災深自刑者兼刑上刑下其災尤深  
謂之三刑者刑上刑下自刑也

五墓

亥卯未木墓在未 寅午戌火墓在戌 申子  
辰水墓在辰 巳酉丑金墓在丑 土墓在  
辰

干刑

甲刑戊 乙刑己 丙刑庚 丁刑辛 戊刑  
壬 己刑癸 庚刑甲 辛刑乙 壬刑丙

癸刑丁

衝破

子午相衝

丑未相衝

寅申相衝

卯酉相

衝

辰戌相衝

巳亥相衝

以上占國法附

凡歲月日時所主

甲爲齊

乙爲夷

丙爲

楚

丁爲江淮爲蠻

戊爲中國

己爲韓

魏

庚爲秦

辛爲華山以西西夷之地

壬爲燕趙

癸爲恆山以北北夷之地

子

爲周 丑爲翟主遼東 寅爲趙楚 卯爲  
鄭 辰爲晉 巳爲衛 午爲秦 未爲中  
山梁宋 申爲齊 酉爲魯 戌爲趙 亥  
爲燕代 假令丙辰年七月丁卯午時見災  
於未地太歲在丙爲楚辰爲晉七月申爲齊  
卯又爲鄭午爲秦未爲中山梁宋是其地各  
有災也

干支附餘占

凡春甲乙寅卯日夏丙丁巳午日秋庚辛申酉

日冬壬癸亥子日有風鳴條帶雨不驟民安  
物阜

凡春庚辛申酉日夏壬癸亥子日秋丙丁巳午  
日冬戊己辰戌丑未日風起擺樹鳴或夾雨  
雪揚塵沙叫怒有聲皆爲人不安物不成

凡春甲寅夏甲午秋甲申冬甲子天門乾上有  
風鳴條動葉有赦五穀大熟

凡春甲乙日風來來丙丁日風乾來庚辛日風  
艮來壬癸日風巽來戊己日坤艮來動葉鳴

條去地尺餘不揚塵沙風氣清和日光明潔  
民安國昌五穀熟蕃

必有脫誤處

此下二則入兵

占後

凡春甲子夏丙子秋庚子冬壬子四季月戊子  
謂之天子日春甲子日風雨有赦夏丙子日  
風雨兵起刑殺秋庚子日風雨有威賞之令  
冬壬子日風雨當進賢人四季戊子日風雨  
歲收國安有赦令

凡風勢緊急不及一二刻漸微而止遠不過十



里其占在民若在日辰刑衝方則外界有逆  
祥異至在合方則外界有書信至 又曰若  
在日辰刑傷方月內米貴若風急陰黑飛沙  
揚塵不出兩月民不安若在日辰德合方月  
內米賤在日辰本位上來民間有火此占不  
用分野  
但風至  
則爲災

凡風驟起吹沙走石經一日以來其占在大臣  
長吏專視月建若在刑衝方來其地長吏有  
憂病出司若風帶熱吹灰漲天天色陰慘爲

大臣長吏死若在月德合及月建本位上來  
一百日內長吏有賞賜遷官之慶

凡大風拔木飛石經一二日其占在君當視太  
歲干支若自刑衝上來君怒欲行誅伐不出  
三日米貴有旱澇之災自德合及太歲方來  
不出三日有德令

右三占俱不用分野其詳具事類占中

風角書卷五終

風角書卷六

濟陽張爾岐蒿菴著

開州李若琳淇篴甫校訂  
安康張鵬汾補山氏重刊

事類風占

占風知兵

立春日正月戊申二月己酉三月庚戌有暴風

· 從西方來七日夜不止兵起四方

立夏日四月辛亥五月壬子六月癸丑有暴風

從西北來七日夜不止兵起北方

立秋日七月甲寅八月己卯九月丙辰有暴風

從東方來七日夜不止兵起東方

己卯疑是乙卯

立冬日十月丁巳十一月戊午十二月己未有暴風從南方來七日夜不止兵起南方

以上皆不出衝大起

諸商日時在奸邪風從貪狼或陰賊上來日色白濁若昏霧比連三日若七日人間盜賊屯聚攻城邑不出一月遠不過七十日

諸商日夜半風卒起大霧至日中不解兵起

四季受傷之日怒風從四季上來時加子午  
外界民爲賊屯聚相攻關梁塞道路絕不出  
七十日

諸商角之日怒風從奸邪陰賊貪狼上來白濁  
冥晦比連三日以上必有大兵起以日占何  
方近三十五日遠七十日

凡貪狼奸邪之日怒風蓬勃從陰賊貪狼上來  
寒慘昏濁又與歲月日刑相會或墓殺相會  
必有急兵至無兵爲猝起

諸風蓬勃四起或自下上來觸地名爲逆風有  
暴兵起平旦發人民逆食時發賓客逆日中  
發姻親逆晡時發臣下逆黃昏發賊隸逆半  
夜發同姓逆雞鳴發后妃逆皆大故不出三  
十日若風止有大雨則災不成 諸宮日時  
加子午風從四季上來有奸人揚言行間人  
君左右有親客內亂若風勢勃亂叫怒寒慘  
吹沙漲天日色暝晦或兼刑殺必有叛臣逆  
兵起

諸公正之日風從公正上來止於寬大爲長吏  
勝賊

陰賊之日風從陰賊上來時加公正風止奸邪  
或從奸邪上來止於陰賊皆爲賊勝長吏

出軍占風

凡初出軍日時風從後來衝霧捲雲人喊馬嘶  
旌旂前指鼓角響亮者全勝又曰有鴉在後  
順風叫來大勝

凡兵大舉出城逆風來卽結營住守候風過後



起行更審彼方

假令三冬敵在乾而狂風從西北來則不可攻  
八方準此

凡初出軍及三日內行次風常逆來衝我旌旗  
不舉人氣怯馬不嘶或前或後或從旁起吹  
塵揚沙淪淪勃勃人馬行步無踪此名鬼風  
兵出必有挫敗當且止以觀便宜

連日昏霧沈沈風聲錯亂密雲不雨皆防下人  
有謀

凡出軍三日內道逢急風甚雨沾濕人馬不能  
行者不利

若其日風雲不興草木不動賊不可得一曰有  
風而草木不動賊不可得兵行之次風卒來  
突迫人馬辟易前有神廟祭之則吉

初出軍風或旋風傍起至軍前飄轉引道得天  
之助得敵資糧敵人來降

出軍而風逆來雨不沾衣名曰天泣軍必敗  
出軍之日暴風折旗大雨不止此天怒也必別

擇日進兵

若交戰而風從前驟來逆衝謂之落戶當其衝者大敗

出軍有飄風驟來牙旗摧折旗旛繞竿或直而下垂者交戰凶一曰將死○軍行而旗指後者不利一曰若大風揚旗東西南北週旋四轉將死軍覆○軍行回風相觸者中道必還戰亦無功

凡軍行有八難風生必須迴避敵來接戰必敗

八難風者遍歷八方回轉不定拔木摧屋吹  
塵蔽天望在敵上急攻之勝在我軍嚴備勿  
戰行道逢之宜結營寨令弱兵退守輜重奇  
兵強弩分據要害猛將銳卒陳於軍前防其  
衝突擊其惰歸兩軍相守占同

風從五音相生上來生我爲母  
子如巳亥角  
風從卯酉羽來之類我生爲子  
扶母如巳亥  
角風從丑未徵上來之類天色  
晴明風氣條  
暢者必勝

凡出軍之日風貴相生忌相尅貴清明和暢忌  
昏濁寒慘以日納音占客時辰風方占主德  
刑分勝負

凡八卦之日風從八卦而來吉行軍決勝

武備志中又有十干占行軍二則自相矛盾  
徒亂人意故不錄

兩軍相守風占

凡兩軍相遇當先分八卦以察主客勝負若風從  
西北乾上來或正北坎上東北艮上來皆爲

利客宜先舉 若從正東震上東南巽上正  
南離上來皆爲利主宜後舉 若從西南坤  
上起有謀不成主客俱不利 若從正西兌  
上來客有伏兵主人宜設備不則敗 風從  
乾上來客舉兵必獲糧一曰風從離坎起挾  
刑殺者慎勿出戰

凡興兵之時風雲相交爲雨用兵之時龍虎相  
交爲戰大文大戰風爲主雲爲客風勝雲主  
勝雲勝風客勝

兩軍相當未知勝負以先舉入他人地者爲客  
後舉自居其地者爲主以日納音占客時及  
風起之方占主若有大風起以五行刑尅決  
之相刑則戰比和不戰若時方俱尅納音宜  
堅陣固守待彼先動以應爲主若時方俱爲  
納音所客宜先急擊之以應爲客又曰臨陣  
風從後來大勝

凡入敵境三日內有風雨雷霆德我軍上發入  
彼軍爲龍虎助戰大勝軍入敵境未遇戰忽

有急風來射我軍有雲乍西乍東迅速奔走者急防兵來又曰風急纔住而敵人至者我軍敗

兩軍相當暴風忽起從三刑五墓上來昏塵蔽天鮮葉茂條皆落乍起乍止者前後皆有伏兵掩人不備宜防之不可輕戰若天色晴明風不寒尅者不成旋風亦然更以五音日數占

兩軍相當有風從歲月日時上來勢大而遲



緩者備賊來有大戰若風勢急速乍起乍止  
者有狂賊小戰以日納音與風起時方占勝  
負

兩軍相守未戰忽有風從彼軍方來一曰破軍

此處疑有  
錯落字

或陰賊方來初起蓬勃及至我軍

而低小蕭索其兵止十里外不戰若先遲緩  
漸暴急者宜設備必有大戰

軍行屯營風動旂旛不動如無風然遇敵不戰  
而罷

商日大風折木從丑寅未申上起來比連三日  
客軍大敗將死若主人力弱客亦自退

若從徵風起在徵日寬大時客軍急退不退其  
軍不疾疫死敗卽自潰散凡時方納音依  
此

四季受角之日大風從四季上來時加子午客  
兵入界自相殺不出三十日四季受商日同  
陰賊之日風從陰賊上來大寒慘者賊自  
相殺

商日怒風從陰賊上來賊自殺其主將

凡寬大之日時加丑戌風從寬大上來止寬大上者大兵解散

寬大之日時加己酉風從己酉方來止於己酉時方者羣賊解散

四季之日風從己酉上來賊兵解散

寬大之日風從己酉及丑戌上來夜起晝止者大眾欲解而主將不欲解若風晝起夜止氣色溫和者上下同心解散若天色陰寒時日

雖善猶未解也武備志曰凡風夜動晝止賊必夜來攻指刑尅風非和解氣也寬大受商之日辛亥壬申是也

有風從己酉上來連三日至五天天色清明其散不出四十日遠七十日廉貞之日風從寬大上來天氣晴和者敵兵退散若四激上來敵兵自退四激者春戌夏丑秋辰冬未卽四季

凡遇解軍之風其風發時清明和暢卽不戰而

解若寒慘昏濁則戰若日辰受尅仍以戰散

四季受宮之日

春丙戌夏丙辰秋辛未冬辛未是也

風從寬大若

四季上來皆爲敵軍來降

四季疑是辰戌丑未若秋冬二辛未

再考察

若四季受宮之日風從卯酉羽上來皆戰賊兵

解散尅所不勝故因戰而散

此條獨在武備志中于主客之

義未詳疑有誤

城營風占

凡坐營相守有急風從敵上來正射我軍上而

復下或止而復起必有大兵欲來攻襲宜早  
備之若攻人城未下而有此風則有救兵自  
外至若入地界已得城池猶有未下邑壘而  
有此風必有兵來戰寒慘帶刑殺必須嚴備  
凡與敵相守營寨上有旋風歷過者隨所歷有  
寇至宜急備之又曰忽猛風揭瓦揚沙所來  
之方必有精兵

旋風入營寨捲土伐屋倒戈徹幕急備不虞若  
旋風自外入彼城營急宜從入處攻拔之

軍纔下營旗鼓方張而有暴風來捲軍幕傾敗  
干戈者大凶一曰主將失位軍人叛散似主  
敵兵至上占或謬又曰有奸謀

旋風吹物上空在城營中兵不利宜固守武備  
志曰我軍與人有謀宜撫將佐犒士卒旋風  
數日不止兵起屠城旋風千百爲羣縱橫襲

### 人主屠城

風飄書物入城勿取收宜祭土地又曰得土也  
風飄衣出營宅外有賊至平時有禍

以上二則  
出武備志

諸羽日怒風從商上起揚沙晝晦有兵來攻城  
邑若至日中半夜風益怒此時攻城不下客  
軍必敗商金羽水母子爲強子午宮土制水  
勢不能行城可固守外必自敗

諸角日大風勃怒從申子亥卯上來大寒昏慘  
至夜半或日中其風益怒連三日以上有大  
兵起攻城城必陷主人宜出避之子午宮土  
日辰角木尅之不利爲主故攻城則必陷近  
期九日中二十七日遠九十日



諸羽日大風日光冥冥昏霧沈沈大兵圍城客  
勝期五日中十日遠一月

商日怒風從子午上來時加子午日光冥晦不  
利主人宜防內兵自亂

凡奸邪受宮之日怒風從宮上來止於四季風  
氣寒慘城中兵亂夜殺長吏四出不禁近期  
七十日遠九十日

凡有兵圍城視諸商日有風從丑上來比連三  
日以上至七日客軍必敗退丑尙按尙當  
作商墓

也又爲陽徵商金遇之兵敗將死近期七日  
中二十一日遠七十日

凡日中夜半風從申子亥卯上來夜發晝止日  
中大寒不解敵必夜來攻城劫營不避風雨  
主將忌之期五日若十日未旬疑有脫誤

乾上有風吹倒旗旛此天怒不可攻城

艮上有風帶黃黑色作鐘鳴者此夜有賊劫營  
損兵

震上有風清涼無塵吹麾蓋簷捲者城內有賢

士不可攻

巽上有徵風吹林梢自響者名叫噪風城內有神靈助不可攻

以上四條出武備志

邊夷水賊風占

四季受商之日

戊辰癸未戊戌癸丑是也

時加子午怒風從

四季上來五日而止四季上者天子欲伐四

夷也所以然者四季主四夷角木尅土故知

欲伐四夷也欲知何所伐當視風所止止辰

爲伐東夷止未爲伐南夷止戌爲伐西夷止  
丑爲伐北夷皆期九日至九十日若風止有  
大雨則不成災止一指若天子意有所伐亦當  
視風舉事

凡壬辰日主東夷風從辰上起七日至九日東  
方海賊動期五十日乙未一作癸未日主南夷風

起未上比連七日南蠻反叛內侵期七十日

壬戌日主西夷風從戌上起七日以上西羌  
反叛期五十日癸丑日主北夷風從丑上起

七日若九日匈奴大入還邑期二十四日八十日  
以上風勃怒叫吼則占

凡壬辰壬戌壬子壬申之日有風從子上來三日以上昏慘暴急日色不明此水內大賊欲攻王國近期七日遠不出三十日風大寒慘侵入肌骨不解皆爲賊發從王相來賊發疾囚死來賊發遲一曰風大寒則夜至

壬戌癸亥乙卯壬辰甲申丁未六日有風從申子亥卯或辰未上來水中賊起相殺以六日

皆受羽申子貪狼亥卽陰賊辰未奸邪故也  
近期五日遠五十日一曰商日宮日烈風從  
四季上來時加子午兼帶刑殺或申子亥卯  
上來當有狄人犯順

諸羽日大風昏霧夜半從申子上來陰寒迅急  
當雨不雨水賊攻絕津梁道路不通近期五

日遠五十日

四季受宮之日

丙辰辛未丙戌辛丑是也

風從四季上來折

木揚沙五日以上至九日止子午上或時加

子午時此爲夷狄君長萬里來朝或遣使貢  
獻近期五十日中百日遠百五十日天色溫  
和清明乃至寒慘昏濁不至

壬辰癸未

一作乙未

壬戌癸丑四季之日有風從申

子亥卯或辰未上來迅急寒慘北連三五七  
日此外界羣賊屯聚并勢侵犯郡國晝伏夜  
行猝起作逆不出七日十四日或七十日一  
日邊界長吏結連外夷內侵大凡此四日有  
風從貪狼陰賊奸邪上來勃怒陰慘卽爲夷

狄侵犯

庚辰乙未庚戌乙丑四季受商之日時加商風  
從亥卯辰未上未止于子午滿五日以上至  
九日風怒不解夷狄兵起若風中止或更轉  
己酉上來賊必自解近期七日中七十日遠  
百日若風雖急暴不滿日止或轉從子午上  
來或時加子午散氣沾濡若雨濕然皆爲賊  
軍中道解散

四季受商之日怒風從四季上來外夷欲屯聚



寇掠不出七十日若從四季上來不滿日復  
從四仲子午卯酉上來轉從陰賊方來或時  
加陰賊寒慘迅急日冥無光此夷狄兵起中  
道自相殘殺不至近九十日遠百二十日一作  
九日十日  
二十日若風從四季上來十日不止千里  
兵來二十日不止二千里兵來期七十日

四季之日暴風卒起及遊風須臾止者爲千里  
外兵來不則近界羌敵爲變事不在千里而  
千里外之人亦可以應其占風小事大風大

事大若風滿九日則爲萬里外兵若羌狄居  
畿甸者有變

凡大風從四季上來止于子午氣色清明天日  
和緩者四方邊界欲來求和隨日占之

未說明

大凡四季主關津道路主管鑰主遠方客主外  
郭外州外界夷狄以風起日數知遠近遲疾  
知進止寒溫生剋知勝負神而明之存乎其人

水火災風占

凡受羽之日風從卯酉羽上來天雲陰潤人心  
悲慘連三日者必有暴雨大水驟至搖風來  
帶刑殺及起于貪狼奸邪陰賊日時則有水  
中賊起

凡風從卯酉來時加卯酉風勢肅肅條習又止  
卯酉潤氣濡物者大雨卽至

諸角日有怒風從寅申辛未徵上來乍遲乍疾  
時加夜半火起宮寺院廟中

辰午酉亥四日爲自刑日其日受商而風從徵

來辰日加辰燒全部二千萬傳舍大臣將相  
之宅 午日加午燒都廷尉舍大夫官吏之  
宅 酉日加酉燒貴府大傳舍廚庫貴人店  
肆 亥日加亥燒喪家并居肆牢獄若囚徒  
之家大寒迅急則燒殺人溫和但燒屋不殺  
人風止卽有雨下雷電乃已不然雖期內有  
雨火亦必起

四季受商之日怒風從四季上來止于午者下  
亭鄉市失火有文書三日至期內而不發

諸亥卯受角之日怒風從丑未上來時加申子  
賊以火攻主人寒急者殺人財出若時加廉  
貞公正此仇怨相殺不出三日六日以日占  
其地角屬木壬子亥卯丑未徵火木因火發  
也申子貪狼故爲盜賊公正廉貞怒惡之情  
故爲仇怨

諸徵日時加徵暴風卒起而天氣清明者有檄  
書至爲火災事近三日遠三十日以日占國  
一日徵日怒風從徵方來時  
加子午午疾乍徐雷火災發

凡陽徵日風從陽徵來時加徵夜半爲都市中  
府寺火起○風從陰徵來爲下亭鄉市人間  
火起

凡占火得己酉之時此誤相燒也得公正之時  
爲仇怨相燒得廉貞之時爲文書口舌相燒  
得貪狼之時爲賊攻燒主人得陰賊之時爲  
惡人遞相燒或捉賊燒屋得外邪之時爲小  
盜陰私相燒日辰王相有氣者人事相燒囚  
死無氣時加商角鬼神所燒也若徵日起風

或更加時徵方徵聲止者三日以上天氣赤黃七日不解天災火起千里相望近期三日遠三十日若風止卽有大雨則解

暴風忽起東南巽方繞木悲鳴聲如搖火有火災不出三日

丙寅丁卯之日怒風從寅卯上來爲都市中火起所以然者丙丁火寅卯木也木得火而然卯爲都市期三日或丙七丁六日應期內有雨卽止

乙巳略例辰戌之日及諸受商之日風從辰戌  
上來巳亥及諸受角之日風從巳亥上來及  
諸徵上來受徵之日風從辰戌上來辰戌及  
諸受角之日風從丑寅未申上來辰午酉亥  
之日風從辰午酉亥上來以上諸風鳴條擺  
樹乍起乍止勃怒暴亂天色昏冥皆爲發火  
之候風二三刻止火非遠半日止十里內一  
日止五十里二日止百里三日止千里又初  
疾後慢火非遠初慢後疾火遠旺相時方燒



都市宮屋官舍第宅囚死時方燒廟宇牢獄  
休廢時方燒驛亭店舍鄉郭閒屋

候風知詔書

諸陽宮之日風從陽徂上來爲詔書到欲知何  
書以風至之時占之 時加寅午遷除詔

時加巳酉寬大詔 時加丑戌徵召詔臺詔

時加申子賦斂詔 時加亥卯接章事老

詔一日盜賊事詔 時加辰未嫁女傳詔皆

期九日遠則四十五日

諸陽宮之日風從日月歲刑上來回止德方風  
大迅急此上官被收下官證無罪

春甲夏丙秋庚冬壬天子所在風從其上來有  
天子至若時加公正此天子令也時加奸邪  
此詐書不可信

風從帝旺上來若子丑上來爲詔書

此下一行不可讀必

有謬誤若從相來爲公卿書

候喪疾風占

壬子壬辰之日風起夜半止夜半占皇后國夫

人起日中止日中占人君他倣此

此條有謬誤

庚子陽宮之日日中夜半怒風從子上來止辰

此爲宮動宮止辰爲入墓

一作庫

中宮爲人君

期九日遠九十日

庚午陰宮之日日中夜半怒風從子

一作子午

來止午若辰后有喪疾

解同上

風起三日以上

乃以此占不滿三日爲病

諸角日大風從亥來二日止未二千石有死喪

期九日遠二十七日

壬子角日風從未來三日止使者州刺史有喪  
癸丑日風從未來一止丑令長有喪

己亥之日有風從亥上來半日止未丞有喪

丙戌日風從未上來止戌小尉有喪

四季受

有缺文疑  
落一角字

之日風從未上來比連三日

民大疫 若風從己亥上來止未民大死喪

期二十七日

己亥受角之日風起己亥止己亥此長吏客喪

止亭傳近期三日一曰亦爲民殃

五音之日風從五墓上來若止墓上皆爲死喪  
憂事如宮墓在辰宮日風從辰來或止辰是  
也若從旺相方來止旺相方則爲人安主昌  
五墓例附

亥卯未木

角

墓在未

寅午戌火

徵

墓在戌

申子辰水

羽

墓在戌

申子辰水

羽

墓在辰

己酉丑金

商

墓在丑

土

宮

墓在辰

凡五音之日風來色黑不睹人面先緊後慢經  
刻止者主疾病惟數爲期如甲子日二九之

數近十八口遠八十日更遠則九年

救百姓疫法附

春以己角之日戶曹出行疫病至未方治壇用  
白羊白犬白雞禳之夏遣法曹秋遣金曹冬  
遣水曹四季遣功曹各于其時之墓治壇用  
雞犬羊用所被尅之色救之則雖疾不傷不  
遣則其災必大應冲月

候風知救

春 甲寅帝 乙卯王 庚申爲詔獄

辛酉爲司空

夏

丙午帝

丁未王

癸亥爲詔獄

壬子爲司空

四季

戊午帝

乙未王

甲寅爲詔獄

乙卯爲司空

秋

庚申帝

辛酉王

丁巳爲詔獄

丙午爲司空

冬

壬子帝

癸亥王

戊戌爲詔獄

戊辰爲司空

凡帝王之日風從詔獄上來

大赦司空來小赦

冬當以戊午  
爲獄疑有誤

春甲寅日時加申風從甲來三日止申其風溫  
和法爲有大赦期六十日又云風從庚來有  
大赦

乙卯日時加酉風從甲來止申爲小赦期四十  
五日

夏丙午日時加亥風從丙上來止亥其風清和  
有大赦期六十日又云風從壬上來有大赦  
丁巳日時加午風從丙上來止亥爲小赦期四



十五日

四季月戊午日時加寅風從寅上來止于寅有

大赦時加卯小赦期六十日

以不二十字未明

卯日

未上來小赦

秋庚申日時加寅

當作巳

風從庚上來三日止于

巳風溫和有太赦期六十日時加申子爲小赦

冬壬子日時加巳

當作戌

風從壬上來其風調和

按此下當脫

時加辰

一日

爲小赦期六十日

之內

以上盡按帝王例改定未知是否

冬至後丙申日風從丙上來大赦○甲申戊申  
庚申日風從丙上來小赦○丁巳之日風從  
巳上來三日止大赦一日一夜止小赦 寬  
大之日時加巳酉風從巳酉上來三日止詔  
獄時大赦

常以帝王之日巳酉日獄日候風從王上來加  
獄時若止獄時皆有大赦鳴條以上占之

諸戊巳王日風從天門上來有赦

春甲日日出之時風從卯上來須臾止又復從

卯上來有赦近二十日

春甲子天子庚爲獄有風從甲上來時加庚爲有赦若連三日止庚其風清和必有大赦風止卯而雨有賞賜期九日遠三十日餘三時依此例推之

春甲日風從甲上來止庚須臾止有牘書半日止府吏原罪一日一夜止州牧原罪三日止

使者原罪

餘時準此例

春甲日旋風入人家從甲來止庚亦爲有赦令

春風常從甲來止庚必有赦令亦爲陰陽和律  
呂正國有喜

四季寬大之日時加巳酉 從正王卿上來止  
巳酉有赦 風從墓來若加時巳酉入止王  
相或帶德及德合皆爲死者得生囚必遇赦  
候風知遷官免罪法

國君公卿以下所屬日

春三月寅皇后 甲天子 卯太子 乙太子  
妃 辰太子吏 巳司空 丙司徒 午太

尉 未九卿 丁太傅 申司隸 庚詔獄

酉庶民 辛卒徒 戌夷狄 亥宗廟

壬內相 子宮府 丑大將軍 癸內藏

夏三月丙天子 巳皇妃 午太子 丁太子

妃 未太子吏 申司空 庚司徒 酉太

尉 辛太傅 戌九卿 亥司隸 壬詔獄

子庶民 癸卒徒 丑夷狄 寅宗廟

甲內相 卯宮府 辰大將軍 乙內藏

秋三月庚天子 申皇后 酉太子 辛太子

妃 戊太子吏 亥司空 壬司徒 子太

尉 癸太傅 丑九卿 寅司隸 申詔獄

卯庶民 乙卒徒 辰夷狄 巳宗廟

丙內相 午宮府 未大將軍 丁內藏

冬三月壬天子 亥皇后 子太子 癸太子

妃 丑太子吏 寅司空 申司徒 卯太

尉 乙太傅 辰九卿 巳司隸 丙詔獄

戊庶民 丁卒徒 未夷狄 申宗廟

庚內相 酉宮府 戌大將軍 辛內藏

春寅爲皇后此日中有暴怒勃亂之風從午上來五日以上皇后有大憂其氣溫皇后有乖近九日遠九十日有雨卽解

春丑爲大將軍此日有大風發屋折木從丑上來四日以上有氣將軍賀賜無氣有罪迅急寒尅有憂近八日遠八十日

春丁巳爲三公風從丑上來三公座上天色晴明三公遷封受賀將軍賀賜

按將軍賀賜四字疑衍

風

氣寒急日不明三公退免受誅丑者巳日墓

也餘時皆倣此占

四時風從天子上來視所止爲詔書所加風氣  
清和爲遷官寒急昏濁爲憂罪風止而雨爲  
事解雨止復風爲事不解日少從近期日久  
從遠期卒暴從近期遲而怒從遠期

戊子戊午甲辰甲戌四日以四時候時者州牧  
刺史從事檄書風從其時上來有氣爲遷官  
無氣爲免退○假令春甲辰日風從辰上來  
三日止甲使者徵拜尙書若風從甲上來三



日止辰使者徵遷二千石近三日遠二十七  
日書到

諸使者用事之日風從徵上來止辰使者遷二  
千石○止丑使者上書止公卿座其風清和  
有遷賀吉若大寒迅急爲使者奏三公二千  
石令長當免退近三日遠三十日

丙辰日爲府君其日有風從辰上來二日此君  
位上二千石徵納補若有風從辰上來此年  
清和者二千石奏使者寒急者二千石奏

史更相奏上有氣勝無氣者凶 止辰爲奏  
事者不還得罪近九日遠四十五日

五丑爲令長相奏者此日有風從丑上來大寒  
急止辰上有氣此令長奏府君止午奏使者  
止公座則奏公座此下官與上官相奏以寒  
溫決勝負

五亥主諸丞凡亥日風從亥上來亥有氣丞遷  
賀無氣丞免官風半日止者郡丞二日止爲  
府丞三日止爲州治中四日止爲公侯長吏

五日止爲尙書丞丁亥爲二千石

五戌爲都尉丙戌之日有風從戌上來戌有氣尉遷賀無氣免官年日須與爲小尉溫和爲遷賀寒爲免官他倣此

諸寬大廉貞公正之日有風從丑上來視所止爲君德所加主有遷官賞賜以四時位言其風若大寒迅急君有暴令視所止之位當之

此條舊在  
候客內占

候公侯貴客占法

諸陽宮寬大之日有大風從天子上來止三宮

座上爲三宮入賀期一日九日

丙辰戌寅日是也

凡大風折木從臣座上來止君位皆爲臣書奏  
事清爽溫和不寒慘爲有喜從刑殺上來日  
光昏慘者爲有奸 假令廉貞寬大公正之  
日其日清明風從臣座上來止君位其臣忠  
正所奏公直必有慶若奸邪陰賊之日風氣  
寒冥者反是假令宮日時加宮此近臣也  
須臾止者四十里內半日止者五十里內一

日止者百里內二日止者千里客三日止者  
外臺使也四日止者外州使也五日止者邊  
將死也七日止者萬里夷狄使也言止者皆  
爲止于君位若風昏冥寒急此遠方使至必  
懷叛逆其風來日時得六情之正皆爲正臣  
欲有獻于君清溫者遇吉寒迅有憂

風從宮上來寒急者君怒也溫和而雨爲欲加  
位賜

凡四季受宮日風從四季上來止君位若太子

位皆爲客候主人諸陽主長吏諸陰主民間

解不

如欲候天子所在如春三月天子在甲有風從

甲上來時加甲風止寅天子入後宮 甲來

止丑天子入將軍 止酉天子侯白衣士

止戌天子入都市

未詳

止辛天子入人家 又

曰止四季天子出遊千里止四仲出遊百里

止四孟行出城郭

與上占不合

占諸侯令長同法

春天子在甲在內以占天子在外下邑 民

之吏至二千石諸侯亦占甲所謂君人者大  
小同占也

風從臣位止于君位皆爲臣上事假令春有風  
從未上來止甲爲九卿上事入省從丑上來  
止甲爲大將軍上事入省

他倣此

何以知大將軍兵先起商角之風兵起風上宮

羽徵風兵起風

有誤

假令陽角之日風從甲起則爲大將軍先將  
兵出也欲知勝負按法言之風相生則和相

尅則戰如角日風從羽來角羽相生大將軍  
出兵必勝他倣此

兵占附餘

凡軍興右畔有風動塵上者則士多死傷風

雨驟從四維上來翻覆迴轉城營中必有反

者風從四維上來乍高乍下寒迅者敵欲

伐

伐下疑  
有缺字

山林伏兵

暴風伐屋折木從四

維上來名曰賊風有賊兵從風所來南北不

出八日八十日東南不出四日四十日西南



不出二日二十日西北不出六日六十日

凡大風黑雲綺錯臨軍者軍有憂十五六日者  
大憂十七八日者軍破敗敵者有此急伐之  
凡風聲怒鳴氣勢慘悽連日不止有兵則敗于  
所鳴之方無兵則其地主民者有憂喪亦爲  
有火災

凡春甲申丁酉日有大風從西來 夏戊申己  
酉日有大風從北來 秋壬戌己巳日有大  
風從南來 冬甲辰戊午日有大風從四維

來皆爲大賊方起者若已有賊必來相攻亦有謀叛者

凡春丙子夏戊己秋壬癸冬甲乙日有暴風急雨寒尅者賊兵起已有賊必入界若風至夜不止必有大賊圍城

右二則原在占國法中

風角書卷六終

風角書卷七

濟陽張爾岐蒿菴著

開州李若琳洪箕甫校訂  
安康張鵬翔補山氏重刊

飄風占法

天門  
占附風

釋名

飄風者回風也扶搖羊角焚輪皆其類也自下而上直至于天亦有自上而下者通謂之旋風

宮宅占

旋風起宮宅中以六情言清和吉王相有氣亦  
吉凶死爲凶

旋風猝起宮宅之中或從外人揚人衣服發人  
屋宇皆爲有猝暴事

若從歲月日時德上起來或止于德方德合  
之方或寬大日辰直德合之時王相有氣則  
爲吉事 若從歲月日時刑衝墓殺上來或  
止刑衝墓殺方或日辰囚死勝時下及貪狼  
陰賊奸邪之日皆爲凶事 旋風起坐席君

子失官小人失財若從刑墓上來行者急走  
坐者急起避之

旋風從地中出直注卜師死 旋風入屋中飄

揚衣物當憂財物驚火 以上槩論

宮日旋風起宮宅中爲國訟爲囚係爲縣官有  
連引事若起道路從內向外衝上吉商日風  
起宮宅中有人持酒肉來不出三口角日憂  
疾病徵日憂火羽日憂失財物以上五音日占凡宮  
宅之內西堂爲父東堂爲母堂邊爲長子房

爲婦女庭爲眾牆壁爲少子井竈爲婢僕門  
爲賓客回風粹起者從外人皆爲德刑言其  
所主之人之吉凶一曰南堂爲父北堂爲母  
東堂爲子西堂爲孫又曰宮宅中庭爲大眾  
庭戶爲四鄰垣牆爲小口井竈爲婦女碓磴  
爲奴婢馬廐爲從隸客堂爲外人門爲賓客  
廳爲諸公客有風起止其地時加奸邪陰賊  
或從奸邪陰賊上來而止于奸邪陰賊之地  
名防其人有謀若風氣寒慘帶刑殺寇害而

來有所觸損者各言其人有災

凡回風暴風猝起宮宅諸商日時加寬大風從  
角上來止于囚死休廢爲賓客作奸風起門  
外入門而止于商時方亦然加奸邪不覺加  
公正覺

商日時加申風從未上來回入南門至堂邊爲  
長子作盜回入井爲婦女作奸欲共他人殺夫  
陰賊之日時加申子風從奸邪上來止陰賊婦  
女作奸欺夫



辛丑日時加午風從宅中從午上來後三日有  
酒食

商日辰時風從純商來爲怪慘物害人

商日風起純角入宅爲惡鬼入宅害人日辰旺  
爲縣官從王鄉來爲家長相鄉來爲子孫休  
廢來爲賓客囚死來爲下賤貪狼來爲盜賊  
奸邪來爲淫婦小人公正來爲仇人餘以類  
推之

凡在公宇廳院園苑之內有旋風分明依道不

急不惡清明和暢漸向前來當有賢人君子

至或爲使命喜慶之事

以上日時加方占例

凡宮宅中同坐非止一人或十餘人同行而有旋風相衝來未知誰當以風發之時方日辰推之風從宮來卽宮姓者當之若同音者非一人卽有以長幼別之孟爲長年寅申巳亥主之仲爲中年子午卯酉主之季爲少年辰戌丑未主之若長幼同者又不一人則以休生別之日辰壬相事在尊長貴人休廢囚死

則在卑幼賤役又陽日取男及在左者陰日  
取女及在右者又同則取衣服之色宮黃徵  
赤商白羽黑角青或取其所執持之物決之  
卽知其事所在若飄風起而止前者以時音  
期之後來逐人而過去者以日音期之此分  
別事  
之所  
在

### 行道占

凡行道見旋風從正南來

一日從西方來

有酒食若時

加巳酉皆大吉

旋風起吉方兩處夾道隨

人行者重吉久不滅亦無他但從凶地來卽  
凶行道有旋風從前面來逆衝人者勿前  
防有伏匿相謀以時下及日德刑占之旋  
風急從後來逐人亦以其日干支納音時加  
刑德五音六情占之又以清和爲吉寒濁爲  
凶旋風傍起前行或橫而過皆當以日辰

刑德占之

以上橫  
論吉凶

凡行道有回風四面而覆人宜回避之宮日  
有田土爭訟徵日有鬪訟若從徵方來

家戒火 羽日失財物若憂酒肉事聚眾于  
上 商日爲失財亡遺人所謀 角日有疾  
病從角地來有死喪事 宮日回風突入戒  
田宅憂移徙或爭訟田宅若道上遇之不宜  
爲客衝外則吉 徵日戒告訟文事凶或有  
失金錢事 羽日戒入水行舟防沒溺或失  
財物有聚眾事 商日戒爭財物防鬪傷若  
入山林墜下被傷 角日有疾病死喪事不  
則相擊傷

以上以五  
納音占之

旋風從人本命墓上來而值之爲疾病時加角  
爲從高墜下若失足竹木所傷 時加徵爲  
燒炙若見血 時加宮爲瘡腫 時加角按  
疑當作商爲金刃所傷 時加羽爲沒溺壓死  
旋風從本日來墓上值之者疾病

歲刑上來爲縣官事月刑上來爲尉郡鄉亭  
事日刑上來戒爭訟事時刑上來有卒急公  
事皆凶

旋風從歲月日時德上來皆爲有喜慶酒食吉

事假令今年在木鄉有木器物從北方來在  
火鄉銅瓦器物從東方來在土鄉田宅器物  
從南方來在金鄉錢物從四季方來在水鄉  
酒肉六畜從西方來

以上概  
論歲德

四季之日四孟上來上官長吏有賜與四仲之  
日四仲上來次官長吏賜與四季之日四季  
上來下官長吏賜與 若商日又辰加商金  
銀銅錫之物徵日又得徵時文書采色之物  
羽日羽時若水物角日角時木實米粟繪帛

等物宮日宮時玉瓦器脯肉皮革之物

以上論日

時德王相其物良囚死則敗濫審在德鄉後以

五音占之非泛指五音日也

以上刑德占

暴風在眾人中亦可以五音察憂吉所在

此當在宮

宅占末款內

凡行道之次忽遇暴風旋風當以行年決之若從寬大廉貞公正上來與本命相生則吉從奸邪陰賊貪狼上來與本命相尅防侵害若昏濁蓬勃又加刑殺大凶



本命行年例附

日家起小運不問陰陽二命男一歲丙寅二歲  
丁卯順行截法十一歲丙子二十一歲丙戌  
推至本年爲行年 女一歲起壬申二歲辛  
未逆行截法一歲壬申二歲辛未十一歲壬  
戌二十一歲壬子推至本年爲行年 本命  
者卽生年太歲支干辰也

國事占

旋風入宮闕中一日再三名曰太陽戒不出一

年內兵起

天鏡占風飄吹衣被于都市中有殺主不出一  
年

軍行有大旋風起軍前來右回繞者將死左回  
繞者得敵糧更以時方占之乃得

凡扶搖獨鹿之風卒起軍營中有反者

凡出軍守壘見旋風卒起與宮宅行道占同遇  
德方吉情皆有吉事遇刑煞凶情軍必移營  
戰必退守旋風起席間戰敗或來衝逐或當

面截過并用日辰干支五音六情占之如行道有旋風四面圍迫宜迴避宮防夜來劫營商防賊兵掩至角防林麓埋伏徵防火災羽防雨水暴溢又旋風起方時日與大將軍本命行年相生則吉與本命行年相尅防賊冲殺陰謀

出軍行營各自有占此特略言其例不具載

天門風占附

天下多有出風之處名山大川皆有風穴惟天門所出風可占天門者乾方也戊乾亥同爲乾方

天門上發風擺落樹葉而天氣清明日色光輝者天子有德令行天下臣皆喜

天門上發風去地尺餘不動塵土拂拂然天色清明黃赤雲遍天謂之祥風天子有赦令囚人出獄

天門風起先急後慢拂拂經時黃雲遍天忽夾

微雨忠良在位民安樂

天門風起初慢後急吹沙走石折木發屋黑氣  
遍天經時而止謂之邪風佞臣在位天子憂  
病若風止而雨卽解

天門上風出初微漸大排樹有聲如雷吼經時  
乃止天子欲行急令有赦年收半日止五穀  
成賢人至天下安一日止大赦不出一年一  
日半止天子發大使出安邊行德令撫問事  
二日止外國來朝貢有大喜二日半止天子

欲郊祀大赦天下三日止五穀大成遠夷加  
貢必風氣和暖清明乃作上占若風夾熱氣  
天下穀貴蟲傷一分冷氣民勞若風氣黑慘  
陰濁天子有病三年災民物不安

一曰宮日宮時天門上風來皆爲吉

飄風占附餘

有風忽起西北方旋復東南四轉五復者主將  
貪虐士卒謀逆

旋風猝起敵軍上急擊之勝若自敵上來入我

營中敵欲降挾刑殺而來者敵欲攻備之吉

此說小異必  
詳刑德定之


旋風猝起而帶三刑五墓賊有伏兵營中旋風  
頻起而出者不可以戰移營去之

旋風挾時刑主人勝日刑客勝

旋風直上衝天起軍中急戰大勝

亦與他  
說異

凡暴風入發屋不出六十日有相殺者若入宮  
殿主者惡之入宮裂帳幃君有憂入軍折旗  
鎗將有憂





風角書卷七終

風角書卷八

濟陽張爾岐蒿菴著

開州李若琳洪箕甫校訂  
安康張鵬翔補山氏重刊

海運風占

風候

日暈則雨月暈則風何方闕卽此方風來也

日沒燕脂紅無雨必有風須看返照在日沒之前燕脂紅在日沒之後記之

星光閃爍不定主有風

夏秋之交大風及有海沙雲起謂之風潮名曰  
颶風此颶乃西方之風也有此風必有淫霖  
大雨同作

凡風單日起單日止雙日起雙日止

凡風起早晚和須防明日再多

凡暴惡之風盡日而沒

夜起之風必毒

凡東風急起急雲起愈急必雨起最難得晴

凡春風易於傳報一日南風必還一日北風難

早有此風向晚必靜防南風尾北風頭南風  
愈吹愈急北風吹起便大

春南夏北有風必雨

雲若砲車形起主大風

雲起下四野滿目如烟如霧名曰風花主風起  
雲若魚鱗不雨也風顛

凡雨陣自西北起者必雲黑如澄墨又必起作  
眉梁陣主先大風雨後雨急易晴

水際生靛青主有風雨

秋天雲陰若無風則無雨

海燕忽成羣而來主風雨烏肚雨白肚雨

海豬亂起主大風

夜聽九道遙烏叫卜風雨一聲風二聲雨三聲

四聲斷風雨

鰕籠張得鯽魚主風水蛇蟠在蘆青上高若干

水高若干漲若干回頭望下水卽至望上稍

慢

月盡無雨則來月初必有大風雨俗云二十五

六若無雨初三四日莫行船

春有二十四番花信風梅花風打頭楝花風打  
末

風忌

正月忌七八日風乃北風也

二月忌初二北風

三月忌清明北風

四月忌立夏風

五月忌雪至風  
以五月下雪日爲始算至五月乃一百二十日之內主有此風

六月忌彭祖風

在前後三四日

七八月若有三日南風必有北風報之

九月九日忌九朝風

前後三四日

十月忌初五風

在前後三四日

十一月忌冬至風

十二月廿三四日忌掃塵風

海還抄略

日離海角晴明無暴風

日出赤霞有黑雲午

後大風

日色慘白風起漸大

日起日落有

脚必主風雨 日昏有雨日暴燠熱有風 日

色朦朧陰霧有雨無風 日忽暴熱必有颶風

颶風過  
卽雨

日落片片陰雲來日有風 日珥早

間狂風卽起 日珥申後明日主雨 日暈午

前風起北方

日暈午後大雨卽防

一日大風須防

日黃返照明日風狂 日沒暗紅無風必雨

日出卯遇雲無雨必天陰 日出光明無風

上弦月如懸弓必主多風 下弦月如仰瓦必

主多雨 月暈連宵必有大風 月光閃爍必



主大風 月色生毛主風雨

虹駕長空無雨 虹駕半空暴雨必至 虹見

東方有風無雨 虹見西方風雨立至

電見東方無雨 電見西方風雨

雲垂春野雨 雲巧夏峯晴 雲薄秋山陰

雲暗冬地雪 雲霧罩山春月必雨夏月必晴

秋月必有風冬月必有雪 烏雲接日必雨

片雲忽蔽青天卽時風雨 雲垂四野不接山

無雨 久雨雲不收不晴 雲收月出忽暗必

雨 雲從龍門起颶風連急雨 雲勢若魚鱗  
來潮風不輕 雲亂天頂絞風雨必不少 雪  
霞早赤午後風雨

風旺四時

春旺東風 夏旺南風 秋旺西風 冬旺北  
風

亢尾箕危昂井翼七宿臨朔日此月必多風雨  
執破值節令必有風雨

正月初三十七有觀燈送潮風

二月初九有接客風

有幾番花信風

三月三日有大風有清明風

四月八日有浴佛風

十八日有帶潮風

五月端午前後有划船風

二九前後有分龍風

六月十一二日有彭祖連天忌風

九月三日九日十三日二十三日有大風 諺

六月前二三與後三三過此之後遼地多寒  
風常令雨雪雖仍海道難行不必詳註

凡茲海運起于三月朔止于九月望得天時氣

候之正加一小心方保無虞也

海運水經

朝看東南黑 勢急午前雨 暮看西北黑

半夜看風雨

有占天

天頂早無雲 日出將漸明

西北暮無雲 明日更清明 遊絲天外飛

久晴更可期 清朝起海雲 風雨霎時辰

風靜鬱蒸熱 雲雷必振烈 東風雲過西

雨下不移時 東風卯沒雲 雨下巳時辰

雲起南山暗 風雨辰時見 日出卯遇雲

無雨必天陰 雲逐風雨疾 風雨霎時息

迎雨對風行

風雨轉時辰

日沒黑雲接

風雨不可說

雲右滿山低

連宵雨亂飛

雲從龍門起

颶風連急雨

西北黑風生

雷雨必聲訇

雲勢若魚鱗

來朝雨不輕

雲鉤午前排

風雨屬人情

夏雲釣內出

秋風鉤背來

曉雲冬不慮

夜雨愁過西

雨陣雨雙煎

大颶連天惡

惡雲半開開

大颶送風至

風息時靜默

亂雲天頂絞

風雨來不少

風逐雨傾盆

雲過都晴了

紅雲日出生

勸君莫出行

紅雲日沒起

晴明不可許

右占雲

秋冬東南風

雨下不相逢

春夏西北風

下來雨不從

汛頭風不長

汛後風雨毒

春夏東南風

不必問天公

秋冬西北風

夫光晴可喜

長夏風勢輕

舟船最可行

深秋風勢動

風勢浪未靜

夏雨連夜傾

不晝便晴明

雨過東風至

晚來越添巨

風雨潮相攻

颶風難將避

初三須有颶

初四還可懼

望日二十三

颶風君可畏

七八必有八

下學  
可疑

汛頭有風至

春雪百二旬

有風君須記

二月雨多風

出門還可記

初八及十三

十九二十一

三月十八日

四月十八至

風雨帶大潮

傍船人難避

端午汛頭風

二九君還記

西北風大狂

同南必亂地

六月十一二

彭祖連天記

七月上旬來

爭秋莫開船

八月半旬時

隨潮不可移

右占風

六月十一二日彭祖忌連天之忌君須記 七

月上旬爭秋風穩泊河南莫開船 八月半旬

潮候時風雨隨潮不可移 烏雲接日

雨卽傾滴 雲下日光 晴朗無防

早間日珥 狂風卽起 申後日珥

明日有雨 一珥單日 兩珥雙起

午前日暈 風起北方 午後日暈

風勢須防 暈開門處 風色不狂

早白暮赤 飛沙走石 日沒暗紅



無雨必風

朝日烘天

晴風必揚

朝日燭地

細雨必至

暮光燭天

日色連陰

日光精彩

久晴可待

日光早出

晴明必久

一作不久

返照黃光

明日風狂

午後雲遮

夜雨霧霰

右占日

虹下雨垂

晴明可期

斷虹免見

不明天變

斷虹早掛

有風不怕

右占虹

曉霧卽收

晴天可求

霧收不起

細雨不止

三日霧濛 必起狂風 白虹下降

惡霧必散 右占霧 電光西南

明日炎炎 電光西北 雨下連宿

辰矚電光 大颶可期 早來無慮

遲則有危 電光亂明 無風雨晴

閃爍星光 星下風狂 夏風電下來

秋風對電起 右占電 螻蛄放洋

大風難當 兩日不至 三日無妨

滿海荒浪 雨驟風狂 大海無慮

至近無妨

金銀徧海

風雨立待

海泛沙塵

大風難禁

若近山岸

子細思尋

烏鱗弄波

風雨必起

二日不來

三日難抵

水上鵝毛

風大難拋

東風可守

回南暫遛

白浪弄波

風起便和

右占海

月上潮長

月沒潮漲

大汛潮光

小汛月上

水漲東北

東南旋漫

西南水回

便是水落

北海之潮

經日滔滔 高麗潮來 一日一遭

萊州洋水 南北長落 北來是長

南退方覺 揚子江內 糧舟之患

最怕船密 大風緊急 繫定且守

船走難纜 紐定必凶 直至沙岸

走花落碇 神鬼驚散 要知碇地

大洪泥硬 灘山一船 鐵碇可障

海中泥溜 順拋木碇 黑水洋深

接繳數尋 成山開處 鳴鑼鼓地

磨斷棕毛

篋繳可拋

成山鐵山

萬丈深泉

武備志所載各月風候附

正月初三頭颶初七八颶十二三颶十七八燒  
燈風二十三風二十七八風無雨風輕立  
春過後未驚蟄先動雷一月天門不開日夜  
海上有風浪驚蟄過後雷動不妨春雷起風  
雷春颶雷先行

二月初二三風初七八風十二三風十七八風

二十二三風二十七八風春有雷電海上有  
風浪本月初二霧露生日本日若重一年俱  
重如輕則輕

三月初三除颶風清明日主有大風本月二十  
一日立夏如發北風淮有二十日北風如南

風天定也

此句說  
未足

四月夏雷壓三風前立春日過後下雪一百二  
十日雪子風正月初八日下雨風輕晴明風  
重

五月初八日夏至發北風重梅雨本日晴明俱是南風黃魚從南來北風吹散魚頭羊日無

魚

此段有錯落

六月十二彭祖忌有大風前三後四初十起十五止此幾日內發風俱作風忌六月有日七月有半六月十二無風七月十五亦無風

有日句不可解

七月立秋日起五十二

以下句缺少年半行

起歷天定立

秋掛蠶三日過有大風七日過有風則輕無

掛蠟過無風

八月起後早西風晚東風天定了本月二十七  
日主有大風

九月初九日定颶風當日發風准定本日不變  
不一二日必發十二三風十七八風二十一  
三風二十七八風

十月初二三風初七八風十二三風十七八風  
十四五有大風

十一月初二三風初七八風十二三風十七八



風二十二三風二十七八風

以下缺十二月

占歲諺言

立春看菜菓 雨水看棉花 清明定秬穀

穀雨定桑麻 小滿看二麥 夏至看豆花

本金收一半 水火不歸冢 若逢戊己土

豐收必倍加

夏至遇端陽 麥貴比金黃

又云

芒種遇端陽 麥賤滿千倉



風角書

卷八

三

風角書卷八終